

«Ниттил мазру литІун буллалими ниттихъулли!»

12
лаж.

Гъунар бусса чичу, журналист, Ярусаннал театрдунал директор МахІаммад Бисавалиевул цинявпагу миллатирттал мазурдийн багълагьисса агъам-
сса масъала гъаз буллау ухъувкун, учиннуча, гъар миллатрал «ччурччу дикІуйн цІу бичлай» ухъувкун, жу хІукму буварду ва тема жулвамур ккази-
трайгу ххал дигьин.



№2
(2220)

19 ЯНВАРЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит булкай бивкІессар 1917 ш.
ЦІунил итабакълан бивкІессар 1991ш.

Шаннагу райондалул хъуними гъуртту хъунни

Москавлив январь зурул 15-ний ВДНХ-лий дайдирихъунни шалва-
гу Аьрасатнал муниципал форумрал даву «Малая Родина — сила
России» тІисса цІанилу. 89 региондалиясса кІанттул властьрал ва-
килтал бавтІсса ва мероприятие цалчинни дуллалисса. Цурдагу
Аьрасатнал Президент Владимир Путиннул сипталийну.



Лакрал райондалул делегация

Форумрай гъуртту хъуна
7500 инсан. Форумрайн
бавтІцири барча буллау, Аьра-
сатнал Президент Владимир Пу-
тиннул администрациялул хъу-
наманал хъиривчув Сергей Ки-
риенкол кІицІ лавгуна, муницип-
пал къуллугъчитал агъалиначІан
яла гъанми бушиву властьрал ва-
килтураву. Федерал чиновник-
турал бувсуна агъалиначІал цу-
кун зун аьркинсарив, цукунсса
давуртту хъиривчІ ххуттайн ласур-
ча иш бачинтІиссарив. Ва фо-
румрал «Гуж-къуват инсантура-
вур» тІисса гъанмур дискуссия-
лий ихтилатру бувна Аьрасатнал
Президентнал кумагчи Игорь
Левитиннул, захІматрал ва со-
циал къайгъурдал министр Ан-
тон Котьяковлул, РАНХиГС-рал
ректор Алексей Комиссаров-
лул ва цаймигу эксперттурал.
Форумрай гъуртту хъуна Влади-
мир Путингу. Ванал барча бувна



Ккуллал райондалул делегация

дукІу цІакъ дурсса шалвагу Аь-
расатнал муниципал премиялул
лауреатътал. «Жува чІавуну ти-
крал бувару, муниципал къул-

лугъчиталли халкъунначІан яла
гъанми куну. Мийжаннугу му-
кунни. КІанттул чиновникту-

→ Ахир 2 лаж.

Дагъусттаннал бакІчи Сергей Меликов, Аьрасатнал Виваллил
иширттал министерстволул Агъаммур управлениелул Ухссав-
нил Ккавказуллал Федерал Округрайсса хъунама Сергей Бачу-
рин ва Дагъусттаннал виваллил иширттал министр Аьвдурашид
МахІаммадов гъуртту хъуна Виваллил иширттал министерстволул
зузалтран квартирарду буллалисса шадлугърал мажлисарай.

Квартирарду буллунни



141 квартиралул кІулли дул-
луна къуллугърал ветеранту-
ран, хасъсса аьралий операци-
ялул гъурттуцитурал, къуллугъ-
рал буржру бартбигълай жанну
дуллуминнал кулпатиртган. Их-
тиярду дуруччай органнал зузал-
трансса гъарица аьркинмунил
дузалсса къатта МахІачкъалалив
бувну бур ведомстволул про-
граммалий.

Сергей Меликовлул лавайсса
къимат бившуна дурсса давурт-
тан ва барча бувна зузалт ва хха-
рисса иширашал.

– Укусса объектру тІивтІусса
чІумал бувчІлан бикІай, МахІач-
къалалив, Дагъусттаннай инсан-
турал тІалавшинна дусса, ла-
зиларкъусса хІаятиртташалсса,
спортрал площадкартташалса
ва машинартту бацІансса
кІанттурду бусса къатри дуллан
аьркиншиву. Ччива, ихтиярду
дуруччай органнал зузалтран
бакъассагу, цаймигу дагъус-
танлувтурал чІясса чІумал му-
тталлий ххуйсса ва ххира дакъа-
сса къатри дан хІадурсса инсан-
турайн овьчин. ЖучІава мукун-
са строительтал биялну бакъар,
– увкунни Сергей Меликовлул.

Ванал кІицІ лавгуна Аьрасат-
нал Виваллил иширттал мини-
стерстволул хІукму, мийжанну-
гу, цала зузалтрай дакІ цІуцІисса
каялувчитурал хІукму буши-
ву ва му къамул бан хъунмасса
хІарачат бувшиву генерал - пол-
ковник Сергей Бачуриннул.

«Ххарира ва къатлуву 80%
квартирардал Виваллил иширт-
тал министерстволул ветеран-
турал булаврия. Вай бур 2000-
ку шина 2014-ку шинайн диян-
нинсса чІумуву закондалуцІун
къадаркъусса ярагъуннил дал-
гусса къюкърашал талай бивкІ-
сса, оьрмулун нигъачІаву ду-
сса тагъарданий къачагъту-
рал къюкъри бат даву мура-
драй хасъсса операцияртту бул-
лай бивкІсса инсантал. Ххари-
ра, Дагъусттаннал ялув чан-
насса ссавгу, бивтсса баргъ-
гу бикІаншиврул, жандалия ка
ларсун талай бивкІминнахъхъун
хІакъину квартирардал кІулли
дулаврия», – увкунни Дагъус-
таннал бакІчинал.

– На барчаллагърай ура
чІумуй ва аьркинсса куццуй ва
къатта бувсса строительтурайн,

→ Ахир 2 лаж.

Шаннагу райондалул хъуними гьуртту хъунни

→ Дайдихъу 1 лаж.

рая тГайланма хъар хъанахъис-сар агъалинан ххуйсса оьрму дузал баву. Миннанни кIулсса агъалинал гъануми мурадду. КIаникIанттурдайсса давривур шалва билаятрайсса иш-тагъарданул билая бусса», – увкунни Путиннул. Ванал бувсуна январь зурул 16-нний бусравсса ца, «Заслуженный работник местного самоуправления Российской Федерации», цIакъ дуршивугу.

Дагъусттаннал делегациялу-вух гьурттушинна дунни ва форумрай лакрал шаннагу райондалул бакIчитал хIаласса делегациярттал. «Ва форумрайсса гьурттушинна жун цайминнал опытрая хавар ласунсса ва жулва билаят хъьичIунмай шавриву бутIа бишинсса сантри. Мероприятиелул гъанумур мурадду, муниципал сообщество цаIуннай дурну, ца хъун дурну, муниципал къуллугърал сий гъаз дува-вур. Жул делегатътурал федерал властърал вакилтурал лекциярт-тая, презентациярттая мюнпат лавъссар. Жулла районгу лайкьну ккаккан дурну, цайми муниципалитетирттаягу бучIи лякь-инсса затру лавъхъссар, ххуйсса идеяртту ва кIулушивурту делегатътурал жулламур районгу гъаз дувавил ххулий ишла дуллансар тIисса умудрай ура, жува циняв ца хъунур жулла чIири Ватандалул кутак гъаз дувантIисса», – укун чичлай ур цала Телеграм-каналданний Ккуллал райондалул бакIчи Шамил Рамазанов. «Ттуш-шал ва форумрайн буссар шяраваллал хъунимигу. Гьуртту хъу-



ЦIуссалакрал райондалул делегация

ру жу «Муниципалитетрал уттизаманнул каялувчинал бигарду» тIисса программалу. Мюнпат-сса даву дия, агъамсса масъалартту гъаз буллаи бия. Федерал минахуртурашал кIанттул властирдал даврил мухIлу-хIин, жагьилтурал политика, предпринимательтурал даву ххал диргъунни. Форумрай тIисса кушуй, Аьрасатнал гуж-къуват мийжаннугу цIакъсса аьдатирттаву, инсантураву ва хъьичIунмай хъит учавривур. КIива гъантлий чIявусса агъам-са ихтилатру хъунни. Ва форум сававну, билаятран мюнпатсса цIу-цIусса проектру ялун личинсар тIий ура. Президентнал кIицI лавгсса кушуй, жул даву захIмат-жапамурди. Жу тIайланма агъалинашал зий буру, кувний жун жуйнма бувагу къабагъаймунил жавабгу дуллан багъай. Къабагъайнугу, жу хIарачат бувару жул-

ла даву шайсса кушуй дюхъан дурну, ххуйсса даражалый дуван», – тIий ур Лакрал райондалул хъунама Юсуп МахIаммадов цаламур Телеграм-каналданний.

ЦIуссалакрал райондалул делегациялуву гьуртту хъунни райондалул бакIчи МаматIи ХIамзатов, ЦIуссалакрал шяраваллил хъунама Сулайман Рамазанов, ЦIуссамехельтIа шяраваллил хъунама Камал Делеков ва Ямансуллу хъунама Тимур Къадиров. Шаннагу райондалул делегациярттал ххал дунни Аьрасатнал районнал циняв павильонну ва стендру. Форумрай гьуртту хъуцири, цалва пикрирду аьч буллаи, кIицI лаглай бур, кIива гъантлийсса форум агъалинаха ва паччахIлугъраха къуллугъ бувавил даву ларай дувансса шачIану хъунтIишиврий.

Патимат РАМАЗАНОВА

Ххуйсса проектирдан кабаку бунни

Январь зурул 16-нний Дагъусттаннал бакIчи Сергей Меликов хъунаавкъунни республикалун агъамшиву дусса патриот проектирттал сиптачиталгу хъуну, дюрхъуну бартгудигълагъисса кIива хъамитайпалушал.

ЦIаликъяннал шяравасса Маржи Илиясовал ласнашал, ХIажинашал, окопирттаву ишла бувайсса хъамул чирахъру – свечкарду шаппа буллаи, СВО-лийн тIайла буклакисса кулпатри, жу вайннал даврия балжину бувъс-сия «Илчилийгу».

Аьмну рязазарунниха ливчусса свечкарду тIайла бувкссар вайннал. Ми шивпагу лахъи-ну ччуччайсса ва ххуйну гъили байсса журалулли. КIицI лаган-ну, ХIажинал вай чирахъру ххуй-сса даражалыйсса цукун бувайсарив кказит-журналлая лавъхъшиву. Свечкарду аьрай хъинну тIалавну бусса бур, Илиясовхъал кулпатрахъ барчаллагъ тIутIисса видеортту цикссагу гъан дурну дур аьралитурал. Кулпатрал давривух хIала бувххун бур вайннал дуллалимуницIун кабакин ччисса цаппара цайми инсанталга, амма, къулайсса шартIру дакъа производство хъун дуван къахъанай дусса бур. Маржил хъьичIва бувсун бур Сергей Меликовлукъ шилва проектрая, ваналгу ванийн цаIанна оьвкуну бур. «Специерация байбишайхту, ттул ласнал кказитрай бувккуна окопиртанса свечкардая ва минуха зунсса хIукму бувссия. Маччасса хъамитайпалул жун къутив лякьин ку-

маг бувна, жугу, парафингу машин лавсун, буллаи байбивхъуру. Лахъху гъан дуварду СВО-лийн ирглийсса партия хъамул чирахъирттал», – увкуна Маржил Меликовлукъ.

Ваналгу бувсуна хасну цаллагу дуккайшиву аьралитурал хъамул чирахъру гъан бувара тIисса сообщениартту, хъьичI ирглий миннул дузал дуван багълай бушиву Дагъусттаннаясса подразделениеартту ва хушрай аьрайн лавгминнал «Каспий» къюкьа. «Дагъусттанлувалт гъар кIанай къуллугъ буллаи бур, Дагъусттаннал фронтрангу хъунмасса кумаг булалиссар, жухъва кумаг бувара тIисса тавакьордугу ччя-ччяни бикIай. Илиясовхъал кулпатрал гъилишивугу чирахъиртташал аьрайминначIан диллалиссар, гъили хъун, чани бан бакъагу, дукья гъили дувангу бучIи ляхълай бусса бур свечкарду. Илиясовхъал кулпатран цехрансса помещениелун, аьркинмунин арцу ччянира личIи къадувария пашманна, ца миллион личIи буван тапшур буванна», – увкунни Меликовлул ва проектраIун кабаку буван.

КIилчинмур хъамитайпа, кIива КIюрщисса оьрчIал нину, ПатIимат Пайзулаева, кIира шинал хъьичI жан дулусса Чувшиврул

кавалер Убайдулла Ибрагъимовлул шашар, шавуй кагу дирхъуну, цуппа кунмаиннангу, фронтрангу кумаг булалисса инсан бур. Ванил проект дур СВО-лийн жанну дулусса вирттаварясса «Книга боевой славы. Дагестан. Они сражались за Родину» тIисса лу, цалчинмур том итабавкъуну бур «Вече» тIисса Москвауллал изда-тельстволул. 5300 экземпляр бусса ва луттираву 100 виричувнал оьрмулия бувсун бур, цIанакул ПатIимат зий бур кIилчинмур том-раха. Ванила проектри Ватандалулу жанну дулусса Вирттавал оьрчIал суратирттал выставкагу. Ва МахIачкъалалив Дусшиврул къатлуву дуссия. Ва проектту гъарза-гъарта дуван дакIний бур ПатIимат, так суратирттай гъашиву къадурну, видеоматериалулу ишла дурну. Республикалул хъунаманал ва даврингу кабаку бувантIишиву бувсунни, федерал лагрулийн дукан дуваншиврул проект. Аьрали-тураясса - Вирттаварясса луттирал хIакъиравугу Меликовлул тапшур бунни, Печатьрал ва информат-циялул агентстволый бивхъуну ва масъала, кIивагу том ххуй-сса чагъарданый бивхъуну, ххуй-сса мужаллатиртташал итабакьин, редактортал, дизайнертал ва давривун кIунку буван.

Барчаллагъ увкунни Меликовлул вай кIивагу хъамитай-палул дуллалисса даврил чIарав бацIлациминнахъу.

Патимат РАМАЗАНОВА



Квартирарду буллунни

→ Дайдихъу 1 лаж.

мукуна Аьрасатнал Виваллил иширттал министерстволул каялувчитурайн проект дузрайн буккан бан арцу итадаркъусса. ЦаIу жура ххаллилсса даву дурссар. Ххуйсса къаттагу бувну, махъун шусса 100 миллион арцулгу билаятрал бюджетрайн занабан бовъхъуссар. Ми арцу цIунигу республикалун дулунсса пикри бур. Ми дулунтIиссар къатри ласун ирглий бавIусса зузалтран, – бувсунни Аьвдур-рашид МахIаммадовлул. Ванал кIицI лавгунни захIматсса ххулу бивтсса виваллил иширттал органнал зузалтран, хаснува Дагъусттаннал Виваллил иширт-тал министерстволул зузалтран, хIукуматрал чIярусса къулай-шиннарду дан багълагъишиву.

– Аьрасатнал Виваллил

иширттал министерстволул каялувчитурал ва цува министр Владимир Колокольцевлул хъунна-сса къулагъасрайн лавсун бур виваллил иширттал зузалт къатрал дузал баврил масъала. Мунин барашиннану хъунни хIакьину вайксса зузалтран квартирарду булаву. Аьрасатнал МВД-лул каялувчитал уттиния тихунмай-гу шаллу буллунтIиссар жула зузалтрал ва ветерантурал багъу-бизулул ва къуллугърал масъалартту, миннал ялапаршиннарал ва даврил шартIру къулай даву мурадрай, – увкунни Сергей Бачуриннул. Аьрасатнал виваллил иширттал министрнал чулуха ванал барча бунни зузалт ва ветерантал, барчаллагъ увкунни Аьвдуррашид МахIаммадовлукъ ва цинявпагу ва къатта бавриву гьурттушинна дурминнахъ.

Анриана АБДУЛЛАЕВА

Электросетирдал комплекс лябуккан баврил хIакъиравусса батIаврий

Январьданул 17-нний Дагъусттаннал бакIчи Сергей Меликовлул дунни республикалул электросетирдал комплексрал тагъарданун хасъсса масъала ххалбигълагъисса батIаву. Ваний гьуртту хъунни «Россети Северный Кавказ» ПАО-лул директор Роман Левченко.

Ххал бивгъуна 2024-2025 шиннардил кIинтнийн хIадур шаврил, региондалул энергосетирдал комплекс зузаврил вихшала лахъ даврил программа бартдигъаврил ва цаймигу масъалартту.

«Махъсса шиннардий энергетикалул комплексраву хъусса тагъар захIматнур личIлай дур. Агъалинан дулун багълай бур аьркинсса тIалавшиннаIун дакъаркъусса хIаллихшинну. Кризис духлаган даншиврул тамансса давуртту дуллаи бур энергетикалул компанияртталгу, исполнитель властърал органналгу. Билаятрал каялувчинал хъунна-сса къулагъас дур ЖКХ-лул проблемарттах. Вай масъалартту дузал баншиврул аьркинну дур чIун, амма инсантураща хъанай бакъар ялугълан», – куна Сергей Меликовлул.

Республикалул электросетьрал комплексрал тагъардания ва микку дуллалисса давурттая бувсуна ПАО «Россети Северный Кавказ» «Дагэнерго» филиалданул директор МахIаммадIабиб Мухумаевлул. Ванал бувсуна дурсса ва ттигу дан -дигансса давурттал хIакъираву.

«Мийжанссар, сетьру дакъин дуллалисса бригадартту хъуни бувну бур, ттуша дакI даршуну

учин бюхълай бур, февральданул ахирданыйннин жу ми давуртту дурну чулийн дуккан данну», – бувсуна Мухумаевлул.

Ми масъалартттал кураторну хъанахъисса вице-премьер Манвел Мажоншлул исват бунни дакъин дурми сетьру ххуйну зий душиву ва микку хIишала аварияртту къахъунтIишиву.

2024-2025 шиннардил кIинтнийн хIадур шаврил хIакъираву гъартану бувсунни Роман Левченко.

2024-2026 шиннардий электроснабжение вихшала дишинну зунсса тагъарданыйн дуцавил программалул хIакъираву Роман Левченколул бувсунни, ва программа бартдигъин ккаккан дурну душиву сайки 9 млрд ва 845 азарда къурушур. Ванал бувсунни ми арцуху дуван аьркинсса давурттаягу.

Дагъусттаннай пландалий ккаккан бувну ва авариялийну чани лещан баврия агъалинахъ буслай бушиврул хIакъираву махъ лавхъунни ДР-лул БакIчинал ва ХIукуматрал Администрациялул каялувчинал хийривчув, ДР-лул БакIчинал информациялул политикалул управлениелул хъунама Рашид Акавовлул.

ХIадур бувсар ХI.АБДИЛОВЛУЛ

СМИ-лул вакилтуран наградартту дуллунни

Январьданул 12-нний Дагъусттаннал Хикуматрал председатель Абдулмуслим Абдулмуслимов гьуртту хьунни Аьрасатнал Печатьрал кьинилун хасну Расул Хиамзатовлул цанийсса Национал библиотекалуву журналисттуран наградартту дуллалисса шадлугърай.

Премьер-министрнал Дагъусттаннал бакчи Сергей Меликовлул ва цалагу цанияту барча кунни журналисттурахъ пишалул байран.

«Аьрасатнал Печатьрал кьини – му, кказитирттал, журналлал, луттирду бишай идарарттал, электрон СМИ-рдал зулалтрал байран дакъасса, Интернет-кказитру ккалакминналгу байранни.

Ва байрандалул лагма лаган буллалиссар цала захматрайну цасса информациялул пространство шаллу дуллалими. Хиакьину информациялул пространстволый жучлава ккаккан бувну бур республикалул ва районнал кказитру, телевидение, радио, сетьрал изданиертту, интернет СМИ-ду. Дагъусттаннай зий бур 245-нниха ливчусса бишайсса ва электрон СМИ-ду, итабакълай бур 140 кказит, миннува 13-миллатирттал мазурдий.

Махъсса ппурттуву машгъур хъанай бур социал сетьру, микку тийламур шялмахрая личи буван къакулсса инсан айкълай ур личи-личисса хаварду ккалаккисса чумал. Му тагъардану личиссара мяъна дур вих-



шала дишин бучисса объективсса информациялул. Хиакьинусса кьини ДР-лул СМИ-луша бюхълай бур пишалул лавайсса даражалул стандартру ва буккултрал вихшала дуруччин», – кунни Абдулмуслим Абдулмуслимовлул.

Ванал барчаллагъ кунни журналисттурахъ СВО-лул иширтая ва Расул Хиамзатовлул юбилейрая бусаврихлу.

Премьер-министрнал личину кичи дунни спецопера-

циялийн лавгун бивкисса журналисттурал царду.

«Ва байран хъанахъиссар жяматрал оьрмулуву СМИ-лул хъунмасса клану бугълай бушиврул мукрушиннану. На барчаллагъ тий ура журналисттурахъ, издательтурахъ, медиаиндустриялул циняв вакилтурахъ, республикалул лябуккулуву бихълахъисса захматрахлу. Дагъусттаннай зузисса чйвуми журналисттал шимилагу хху хъуссар Шалагу Аьрасатнал ва регион-

далул конкурсирдай, миннал дур лайкъсса наградартту.

Циняв журналисттуран чла тий ура давурттаву тийлабаццу, бюхттулсса рейтинг, цулушиву ва хъиншиву», – кунни Абдулмуслим Абдулмуслимовлул.

Парламентрал чулуха журналисттал барча бунни ДР-лул ХМ-рал Национал политикалул, жяматийсса ва диннал цацуншивурттал ва парламентирттал дянивсса дахавурттал комитетрал председатель Фи-

рутдин Ражабовлул.

Журналисттал барча бунни мукунма ДР-лул Информациалул ва печатьрал агентстволул каялувчи Абдуразакъ Жамалуттиновлул.

Яла Абдулмуслим Абдулмуслимовлул журналисттуран дуллунни региондалул Хикуматрал Хиурматрал грамотартту ва Барчаллагърал чагъарду.

Хиадур бувссар Хи. АьДИЛОВЛУЛ

Жугу лайкъ дарду наградартту

Январьданул 13-нний Кичи лагайссар Аьрасатнал Печатьрал кьини, цинявпагу ва сфералуву зузминнал пишалул байран.

Ва кьини лахъа-хъун байссар цинявпагу периодикалул печатьрал, СМИ-лул зузлт, журналисттал.

Личи-личисса идарарттал чулухасса барча бавуртту дуркунни «Илчи» кказитрал коллективрайну. Дагъусттаннал Росгвардиялул управленелулгу барча бунни пишалул байрандалушал «Илчи» кказитрал редакция ва Управленелул даву хъхичунну аьч дуллалисса журналист, от-



Росгвардиялул Управленелул хъунаманал кумагчи, полициялул полковник Константин Шияннул. Ванал Кичи лавгунни республикалул СМИ-рдаву Управленелушал цакъсса дахаву думиннувацца «Илчи» кказитру бушиву.

делданул редактор Андриана Аьбуллаева. Вайннан Барчаллагърал чагъарду ва бахшишу дуллунни Управленелул хъунаманал кумагчи, полициялул полковник Константин Шияннул. Ванал Кичи лавгунни республикалул СМИ-рдаву Управленелушал цакъсса дахаву думиннувацца «Илчи» кказитру бушиву.

Андриана АьДУЛЛАЕВА

Росгвардиялул зузлтрал, пишалул байрандалушал барчагу бувну, дакнийхтуну барчаллагъ увкунни хасъсса аьралий операциялий гьуртту хъанахъисса Росгвардиялул аьралитурая ва зузлтрая гьарта-гьарзану бусласисса, чичлачисса Аьрасатнал журналисттурахъ.

Хасъсса аьралий операциялийминнал журналисттал барча бунни

Вайннал Кичи лавгунни, журналисттурал жяматрахъ аьралий операциялия, душманнал ккуллардаша инсантал ххассал булла-лаврия, мукунма цусса регионнал агьулданун буллалисса кумагря чумуй ва тийлану буслай бушиву. Дагъусттаннал Нашгвардиялул управленелул бусласимунийн бувну, личи-личисса информациялул агентстварттал, кказитирттал, онлайн-изданиерттал ва телеканаллал дуккан дурну дур хасъсса аьралий операциялийсса Росгвардиялул зузлтрая бусласисса 5 азарунния лирчусса материалу. СВО дайдирухъуния шихуннай хисав дуларча, дуркун дур 11 азарунния лирчусса телерепортажру, макъалартту, очерктуру. Журналисттурашлархил хасъсса аьралий операциялий лавайсса даражалый, цала бигарду баргбигълай бур СМИ-рдашал ва граждан обществолул институтирттал дахаву дусса Росгвардиялул Департаментрал, округирттал пресс-службардал аьралиталгу. Цалчинсса гьантрая шихунмай хасъсса аьралий операциялий кьуллугърал буржру баргбигълай вайнналгу

ккаккан дуллаи бур цала чувшиву, кувний жандалия ка ларсун.

Аьралий командировкалия занахъун кьисмат къавхъунни ВГТРК-лул корреспондент Борис Макьсудовлул, Росгвардиялул пресс-службарлул хлаписар, полковник Сергей Постновлул.

Росгвардиялул зузлт дакнийхтуну барчаллагъ тий бур журналисттурахъ, даччин къадурну, тийлану бусласаврих.

– Жу гьирарай буккару зу чивчумур. Зул мукъул гуж хъунмассар. Журналистнал махъ цила биклайкунсса ярагъри. Шихасса хавардайну инсантуран тийламур, мийжанмур кил хъанахъисса, Аьрасатнай кьаршисса пропагандалул ххулу кьукълакьисса. Зу, хъуннасса хъар лахълай, жаваблвшинна дусса даву дуллаи буссару. Жу хладурссару зушал цаццу, ччимур шарттирай – полигоннай, хъхичи ххуттай окопирттаву Росгвардиялул зузлтрал дуллаимур аьч дулан, – тий бур СВО нанисса клантурдаясса видеолыйхчинсса барча бавриву Росгвардиялул зузлт.

Андриана АьДУЛЛАЕВА



Январьданул 10-нний Дагъусттаннал Хикуматрал Председатель Абдулмуслим Абдулмуслимов хъунаавкъунни Цуссалакрал райондалийсса лак цусса миналийн бизан баврил ва Аухуллал район утгара дуккан даврил Управлениелул хъунама МахИаммад-ХИажи Айдиевлудшал.

Лак цусса миналийн бизан баврил программа бартдиргъуну дур



Хъунабакаврий республикалул премьер-министрнал вичИ дирхъунни «Цуссалакрал райондалийсса лак цусса миналийн бизан баврил ва Аухуллал район утгара дуккан даву» тИсса ДР-лул ПаччахИлугърал Программалый ккаккан дуресса давуртту бартдиргъаврил информациялух.

Управлениелул хъунаманал бусаврийну, ва идаралул 2023 шинал сайки 100% бартдиргъуну дур ПаччахИлугърал программалул давуртту ва харж дурну дур 2023 шинайн ми давуртту бартдиргъин итадаркъуну диркИсса арцу. ДукИу Программалый бартдиргъин итадаркъуну дия 390 млн къуруширтлух.

МахИаммад-ХИажи Айдиевлуд бусунни дуресса давурттал хИасиллаягу. Ванал тИмунийну, 2023 шинал Программалул лагрулий буну бур 4 оърчИал багъ – Ахъбарав, ТЮохчарав, Цуссалаккуй ва Цуссаккулув.

Дузал буну бур 150 цусса зузи кИану.

Уттигу ца школа бунан ккаккан буну бур Цуссаккуллал шяраву. ХъхьичИва буну бивкИсса Цуссаккуллал 2-мур школалуцун дувантИий бур 604 оърчИансса кИану бусса блок-пристройка.

Докладрах вичИ дирхъуну махъ Абдулмуслим Абдулмуслимовлул барчалагъ кунни Айдиевлудхъ ва мунал зузалтрахъ муонпатсса давурттахлу ва тапшур бунни мува бушлий дачин дуван Управлениелул ттинияр тихуннайсса давуртту.

Хъунабакаврий ахирданий премьер-министрнал МахИаммад-ХИажи Айдиевлуд дулунни ДР-лул Хикуматрал Хиурматрал грамота, хъун дуресса хъхьичИуннайшивурттахлу ва юбилейрацун дархИуну.

ХИадур буссар ХИасан АБДИЛОВЛУЛ

Журналистътал барча бунни

Аьрасатнал Печатьрал къинилун хас дуресса шадлугърай барча бунни «Дагъусттаннал музил перо» премиялул лауреатъталгу. Ва Дагъусттаннал журналистикалул яла лараймур профессионал наградар, гъар шинах хъхьичИун ливчуми журналистътуран дулайсса.

Ларгсса 2023 шинал хИасиллаин буну, ва премиялул лауреатътал хъунни мукъа инсан: печатьрал СМИ-лул номинациялий ххув хъунни Хасайбат Мажидова («Дагъу правда» кказит), ЭЛЕКТРОН СМИ номинациялий – «ИТАР-ТАСС» агентстволул собкор, Гянджави ХИажибалаев, телевидениелул номинациялий – «ННТ» каналданул корреспондент ПатИимат Хананова ва радиолул номинациялий – «Дагестан» ГТРК-лул оьрус мазрайсса радиовещаниелул хъунмур редактор Бедирнесе ХИусайнова. «Шинал иш - 2023» номинациялий къимат бившунни цуну хИасул дуресса «Дагестан» Этномедиахолдингран. Лауреатътуран булунни дипломру, хъазамрай лачИай лшанну, статуэткартту, Барчалагърал чагъарду ва ПаччахИлугърал Думалул депутат Жамалуттин ХИасановлул цаниясса арцуинусса

бахшишу. Наградартту дулунни депутатнал кумагчи Арсен Булатовлул ва Аьрасатнал Журналистътурал союзрал Дагъусттанналмур отделениелул каялувчи МахИаммад Ибрагъимовлул. Аьрасатнал Журналистътурал союзрал Дагъусттаннал региондалул отделениелул чулухасса Хиурматрал грамотартту дулунни республикалул цифровой развитиелул министр Юрий ХИамзатовлул. Хиурматрал грамота дулунни «Илчилул» корреспондент Анвар Сагидовлулну.

ДакИнийхтуну барча улай буру Джула Анваргу, наградарттан лайкъ хъуцири журналистъталгу. Шиккува кИицИ лаганну, хИакъинусса къини республикалий бушиву 245 печатьрал ва электрон журалул СМИ, итабакълай бушиву 140 кказит ва миллатирттал 13 мазрайсса журналу.

ПатИимат РАМАЗАНОВА

Пресс-конференция

Ххуллурдайсса тагъар ццах бутлатисса дур

Январь зурул 17-нний Дагъусттаннал Госавтоинспекциялул Управлениели хъунни ларгсса шинал лажиндарай къулдугърал дуресса даврил хИасиллу дуллалисса Управлениелул хъунама полициялул полковник Александр Шалагиннул пресс-конференция.

Ларгсса шинал Управлениелул ва кИантту-кИанттурдайсса мунил подразделениеарттал дурну дур ДТП-ртту хъун къаритаву, аьрххиххулийн бувкминнал ххуллул низам дуруччаву, мукунма криминалданийн къарши бацИаву ва инспекциялул зузалтрал давриву законну дуруччаву мурадрайсса чИярусса мероприятияртту.

2023-ку шинал республикалий сияхИраин ларсун дур 1677 ДТП, цавугу 348 инсан ивкИусса, 2450 инсаннайн шавурду дирсса. ХъхьичИмур шинах бурувгун аварияртту чИяру хъуну дур. ЧИяруми ДТП-ртту машинартту куннийн кув шусса (52%), бахъттагъалтрайн шун бувсса (23%), ахъния багъсса (6%), мукунма машинартту ссайн-бунугу шусса ягу цамур журалул (20%) дур. ЧИяруми аварияртту хъуну дур шуцИиртал хъунив ххулийн бувккун (21%), цанаяр ца хъхьичИун буккан къаст лархИуну (12%), мукунна бахъттагъалтрал ххуллул низам къадурурччуну (13%).

Гъашинугу захИматсса дия тагъар федерал ххуллурдай – 159 ДТП (хъхьичИмур шинал – 128). Мукунна чИярусса ДТП-ртту хъунни МахИачкъалалив (26), Хасавюртулал (22), Буйнакскаллал (22), Къярабудахкентуллал (17), Лавациал (7), Дарбантулал (7) районнай, Къизлардай (7), мукунна Къизилюртулал райондалий (7). Вай ДТП-ттаву чИявусса ливтИусса хъуну бур. Чансса бакъар ишру бахъттагъалтрайн машинартту шусса (375). Миннуву 71 инсан ивкИуну ур, 333 инсаннайн шавурду дирну дур. Вайнува бахъттагъалтрай цайва тахсир хъусса 172 иш бур. Миннуву 38 инсан ивкИуну ур, 139 инсаннайн шавурду дирну дур. Бахъттагъалтрайн машинартту шусса ишру яла чИявусса хъуну бур федерал ххуллурдай: МахИачкъалалив, Дарбантлив, Къизлардай, Хасавюртлив, Каспийскалий, Дарбантулал ва Къизилюртулал районнай.

Диялсса профилактикалул



Александр Шалагин

мероприятияртту дурну дунугу, чИярусса хъуну дур мюршисса оьрчИру хИаласса аварияртту (219). Миннуву 16 шин къархъусса, балугъравун къабивсса 29 оьрчИ оьрмулуца хъуну бур, 233-ннайн шавурду дирну дур. ЧИявуми ДТП-луву зарал бивсса оьрчИру машинарттаву най бивкИсса бур. 123 ДТП-луву 20 оьрмулуца хъусса ва 142 цИунциияртту хъусса оьрчИру машинарттаву най бивкИун бур. ЧИяву хъуну бур мукунма бахътта нанисса оьрчИру оьрмурдаца хъусса ишру: 5 оьрчИ бахътта, 2 велосипедрай, 1 мототранспортрай най бивкИсса бур.

12 шин къархъусса оьрчИру бувцуну наниний дуруччин аьркъинисса низамрал тИлавшинна къадурурччуну тИий, ларгсса шинал жавабрайн бувцуну бур 23 азарунния ливчусса водителътал.

2024 шин Дагъусттаннал Госавтоинспекциялул мютИи бакъа, мудан ххуллул низам лиллалиминнашал талатисса шинну баян буну бур. Укунминнан ккаллину бур 50 ва муния ливчусса аькИри дусса инсантал. Миннал дуллай бур яла аваза буттми ва ахир оьнийн дуркми аварияртту. 2023-ку шинал мукунсса инсантал саванну 41 ДТП хъуну дур. Миннава 8 МахИачкъалалиясса, 4 – Лавациал, 3 – Къизлардал районнаясса бур, кИи-кИия «мютИи бакъулт» бур Буйнакскалиясса, Каспийскалиясса, Хасавюртулал, Къаякан-

тулал, Ахъушиял, Къярабудахкентулал районнаясса. Ца-ца инсан ур Гъуниннал, Бушихъиял, Буйнакскаллал, С. Стальский, Къайтагъулал, Къизилюртулал, Ккуллал, МахИарамкентулал, Цуссалакрал, Нугъайнал районнаясса ва Дарбант шагърулиясса.

ДакИнийн бутанну цаппара вай савану хъусса захИматсса ишру.

Июнь зурул 21-нний, ссят 18.30 хъусса чИумал, «Астрахань – Махачкала» федерал ххуллий «Тойота Камри» машиналий нанисса Къизилюртулал райондалиясса, шинал хъхьичИ 19 зуруйсса ихтиярду зерххусса ва 80-ннийн диресса аькИрал лахъаву къадуресса жагьилсса адаминал (1991 ш.у.), хъунив ххуллийн увккун, КАМаз-райн шун бувну бур. КАМаз шуну бур 25 пассажир усса «ВОЛВО» автобусрайн. Ва ишираву жагьилсса оьрмулувусса 8 инсан, миннавух 3 мюршисса оьрчИгу, оьрмулуца хъуну бур. Мукъа инсан, миннава ца чИивисса оьрчИ, азарханалийн иян увну ур. КИул хъуну бур тахсир хъума наркотикру ишла бувну ивкИшиву.

Ноябрь зурул 17-нний, ссят 22.00 хъусса чИумал, «Астрахань – Махачкала» федерал ххуллий Къаякентулал райондалиясса, 69-ла жавабрайн кИункИу уссса, 66 аькИлул лахъаву къадуресса (69 азарда къуруш) жагьилсса адаминал (2001 ш.у.), светофорданий къаавцИуну, «ВОЛВО» къай духхай машина шун бувну бур «Понтиак Вайб» куклу машиналийн. Ванил водитель ва пассажир бусса кИанай къуртал хъуну бур.

Шинал ахирданийнни 50-нния ливчусса аькИрал лахъаву къадуресса «мютИи бакъултрал» ккал 1644 инсаннайн дирну дур. Миннайсса бурж 112 миллиондалия ливчуну бур.

ДакИнийн бутан, аьчИа дирхъусса инсаннал му шалла лахъан аьркинссар постановление цакъ бувну махъ 60 гъантлул дянив. АькИрал бурж ххал бан шайссар гибдл.рф сайтрай ягу приложениелий: gosuslugi.ru, Сбербанк, Яндекс.штрафы.

Адриана АБДУЛЛАЕВА

Муштаритуран арцу занадиртунни

Январьданул 16-нний «Дагестан» РИА-лий хъунни Дагъусттаннал ПаччахИлугърал тЮвалул инспекциялул каялувчи Сергей Касьяновлул пресс-конференция. Ванал бусунни республикалул ялапарлувтуран, цИунилгу хИасав-ккал дурну, занадан буну бушиву хИучча бакъа хИасав дурну диркИсса коммунал хИалихшиннахлусса 8 млн къурушуру.

Вай масъаларттал хИакъираву тЮвалул инспекциялийн дуркИун диркИссар 300-хъайсса лабизавуртту.

Сергей Касьяновлул бусаврийну, 2023 шинал ДР-лул Госжилинспекциялийн дуркИун дур 5360 лабизаву, хъхьичИмур шинах бурувгун 26,77% ххисаласса. Яла чИяруми лабизавуртту дур электричестволуцИун, газрал дузалшиндарацИун, къатра-

вун гъилишиву дулаврицИун, шинал дузал баврицИун ва цаймигу иширттацИун дархИусса. Ми иширттан хасну аьмну дирхъуну диркИун дур 6 млн ва 76 азарда къуруш аькИрал.

ДР-лул тЮвалул хъунама инспекторнал бусунни ва идаралул хъхьичИ ххуттайми масъаларттуну хъанахъишиву коммунал хИалихшиннал мюхчаншиврул ва качестволул ялув бацИаву.

КИицИ бунни ванияр тихуннай коммунал хИалихшиннахлусса багъри булаврил ва хИсав-ккал даврил система (ситема учета) муонпатну зузаврил ялув бацИаву гужлан дуван аьркиншиву.

Шиккува журналистътурашал ххал бивгъунни къатравун гъилишиву дулаврицИун бавхИусса масъаларттугу. Ванал тИмунийну, мукъва шагърулул округ личИнувасса контролданый бур коммунал хозяйстварттал объектирттал кИинтийн хИадуршиврул паспортру лавсун къабивкИун тИий.

ХИасан АБДИЛОВ

ПаччахІлугърал наградартту хІалал дурминнавух бур жула миллатрал арсру ва душру

Шинал ахирданий Дагъусттан Республикалул бакІчи Сергей Меликовлул Аьрасатнал ва Дагъусттаннал паччахІлугърал наградартту дуллунни хъхьичІунсса дагъусттанлувтуран.

Наградартту дуллаи айишин хъхьичІ Республикалул бакІчинал кІицІларгунни ларгсса шинал республикалул оьрмулуву хъусса хъхьичІуннайшивуртту. ЧурчІав дурунни му шин къабигъасса хъушиврий, хаснува Украиннал аьршарай нанисса аьралий операциягу хІисавравун лавсун.

ПаччахІлугърал наградарттугу Сергей Меликов дуллаи айивхъунни аьралитурая.

ПаччахІлугърал ларайсса наградартту ларсминнал ххутгай бур жула миллатрал лайкъсса арсру ва душру.

Аьрасатнал ларайсса награда Орден Почета дуллунни паччахІлугърал ишккакку, юри-



ДакІнийхтуну барча тІий буру жула даврил уртакъ, миллатрал литературалуву цанмасса ххуллу лявкъусса хъунасса шаэр, журналист, ватандалул хІакъсса патриот, лакрал язисса арс **Башаев Руслан МахІаммадул арснахъ** «Дагъусттаннал халкъуннал шаэр» тІисса цІа. Дазу-зума дакъа ххариссару буттал улкхусса ччаву обьтгувухгу, къюкІливухгу дуккан дурсса шаэрнал захІматран паччахІлугърал лавайсса къимат бишаврия. Ча тІий буру Руслан Башаевлул миллатрал даврил ххуллий ттигу чІярусса шиннардий зий-захІмат буллансса цІуллушиву, творчестволуву тІайлабацІу!

«ИЛЧИЛУЛ» коллектив

«Дагъусттаннал лайкъ хъусса журналист» тІисса цІа дуллунни «Дагъусттан» РГВК-лул шеф-редактор **МахІаммадова Марианна Ширванинал** душнин.

Культуралуву ва магьирлугъраву Дагъусттан Республикалул БакІчинал Грантран лайкъ хъунни А. Къапиевлул цІанийсса Лакрал паччахІлугърал драмалул ва музыкалул театр. Грантрал арцух бишин тІий бур Ч. Айтматовлул «Материнское поле» тІисса произведениелий спектакль (лакку мазрай ва оьрус мазрай). Грант дурххушиврул диплом Лакрал театрданул каялувчи **Бадрижат МахІаммадхІажиевахъхъун** буллаи, Республикалул бакІчинал кІицІ лавгунни Совет Союзрал чичу Чингиз Айтматовлул хъунасса дусшиву диркІшиву Дагъусттаннал халкъуннал шаэр Расул ХІамзатовлушал. Чичу дунияллийн увккун гъашину 110 шин там хъанай душиврий чІурчІавгу дурну, Сергей Меликовлул бувсунни спектакльданул премьералийн овьчин дакІний ушиву Къиргъизнавасса хъамаллурайн.

Зулайхат ТАХАКЪАЕВА



Руслан Башаев



Марита МухІадова



Рамазан Къушиев



Аминат ЯхІияева

дический элмурдал доктор, профессор, Аьрасатнал Федерациялул Конституцион судрал судья **ХІажиев ХІадис Аьдуллагълул** арсан.

Дагъусттан Республикалул Орден Почета дуллунни ДР-лул культуралул министрнал хъиривмур, Дагъусттаннал Республикалул Халкъуннал творчестволул къатлул директор **МухІадова**

Марита Велиханнул душнин.

«За заслуги перед Республикой Дагестан» орден дуллунни республикалул хъхьичІунсса ишбажаранчи **Къушиев Рамазан ХІажинал** арсан.

«За заслуги перед Республикой Дагестан» орден дуллунни Дагъусттаннал Ссихьрал театрданул каялувчи **Аминат ЯхІияеван.**

«Дагъусттаннал халкъуннал шаэр» тІисса хъунасса цІа дуллунни шаэр, прозаик **Башаев Руслан МахІаммадул** арсан.

Расул ХІамзатовлул цІанийсса медаль дуллунни А. Тахо-Годил цІанийсса Дагъусттаннал педагогикалул элму ахттар даврил институтрал хъунмур элмийсса зузала, шаэр, публицист **Муслимова Миясат Шайхлул** душнин.

«Дагъусттаннал лайкъ хъусса художник» тІисса цІа дуллунни художник, Аьрасатнал Художниктурал союзрал член **Къячаев Ажув Ибрагьимлул** арсан.



Бадрижат МахІаммадхІажиева

Январьданул 16-нний Обрус-нал театрданул чИвмур залданува хьунни СССР-данул халкьуннал артист, композитор Мурад Къажлаевлул аьпалул вечер, «Чтобы помнили...» тИсса цИанилусса. Ва сакин дурну дия Дагъусттаннал ПаччахИлугьрал Опералул ва балетрал театрданул.

Уттигьанну аьпалул хьусса Совет Союзрал ва Аьрасатнал композитор, Аьрасатнал Федерациялул ЗахИматрал Виричув, Дагъусттаннал гимнрал автор Мурад Къажлаевлул цаярда махь къадиртунни культуралул хьуннасса аваданшиву. Ванал бивтунни яргсса, хьин-хьинсса иширттал авадансса оьрмулул ва творчестволул ххулуу, вания бусаврийну дайдирихьуна ва вечергу.

Хьирив театрданул хорданул (главный хормейстер – Эмилия Шихрагимова) шаллу дурна композиторнал хорданун чирчусса сочиненияртту, театрал постановкартгацИун чивчусса музыка, машгьурсса балайрду, ккаккан бувна «Имам Шамил», «Вернисаж», «Валида» ва цаймигу балетгирдавасса ва оперетгардавасса парчри.

КIулсса куццуй, композиторнал чивчуну бур 40-нний лирчусса кинофильмрацIунсса музыка: «Тучи покидают небо», «В горах мое сердце», «Иностранка», «Девочка на шаре», «Сестра музыканта», «Исполнение желаний», «Бархатный сезон», «Любовь моя, печаль моя», «Снежная свадьба», «Пора красных яблок» – вана вайннувасса

Аьпа абадми

ДакIний икIаншиврул...



цаппара. Ва хьхуну шаллу бувна «Загадка кубачинского браслета» кинофильмравасса Петр Синявскийл мукьурттихунсса Мурад Къажлаевлул музыкалухунсса балай.

Вечерданий гьуртту хьун Республикалул М. Къажлаевлул цИанийсса школалул гьунар бусса оьрчIругу – «Гуниб» ансамбль. КIулсса куццуй, ва цИанилусса ансамбль ванияр чIярусса шиннардил хьхьичI сакин дурну диркIссар Мурад Къажлаевлул. Тгизаманнул «Гуниб» ансамбльданул шаллу бувна Михаил Лермонтовлул «Белеет парус одинокий» назмулул мукьурттицIун композиторнал чирчусса макьандалийсса балай.



Мурад Къажлаевлул аьпалул вечерданийсса гьунчIукьатIи

Ва шинал интIухунмай, Вапрель-май зурдардий, МахIачкьалалив тIитIинтIиссар СССР-данул халкьуннал артист, композитор Мурад Къажлаевлул кабинет-музей. ЦИанасса чIумал ва давриясса, ванил пландалул ялувсса ихтилатру най бур Республикалул каялувшиндарал, Культуралул министерстволул ва композиторнал ичIуваминнал дянив.

Композиторнал, шак бакьа, цалва хьирив къавитссар хьинну авадансса, яргсса культуралул, музыкалул ирс. Укунсса инсаннал оьрмулуцIун ва творчестволуцIун бавхIусса музейрдугу чара бакьа бикIан аьркинссар.

– Шикку ччинаша бюхантIиссар дагъусттаннал маэстрол оьрмулул ххулуу ккаккан, ххаллилсса произведениеартту сакин буллай бивкIсса

МахIачкьалалив тIитIинтIиссар Мурад Къажлаевлул кабинет-музей



чIумувун, гьаваслансса ауралувун багьан, цувгу жу ттигу шаллу дуллантIисса лекциярттайну-концертирттайну, экскурсиярдайну ва Мурад Къажлаевлул аьпалул ххуллийсса цаймигу культуралул-просветительстволул акциярттайну, – тIий бур культуралул министр Зарема Буттаева.

Композиторнал аьпа абад баврил давурттал пландалува дур гьарца шинал январь зуруй дуллантIисса музыкалул вечердугу. Вай хьанантIиссар республикалул кIулшиву дулаврил, театрал ва концертирттал ида-

рарттай. Кабинет-музей цуппа тIурча, бувантIиссар цалва махьва-махьсса ссихИрачIан иянинн маэстро зий ивкIсса, цалва сипталийну тIигу-тIивтIусса, гьунар бусса оьрчIансса Республикалул М. Къажлаевлул цИанийсса школалул базалий. Музейраву бикIантIиссар хьуннасса композиторнал оьрмулувасса ляличIисса экспонатру: суратру, ичIаллил матахI, архивравасса документру, наградартту ва м.ц.

Лажин хIадур дурссар
Бадрижамал АБЛИЕВАЛ

Аьпа абадми

Итххявхсса оьрчлансса школалул гьану бивзма

Итххявхсса оьрчлансса Республикалул ххишала бакъа итххявхсса оьрчлансса искусствардал школалий хьунни СССР-данул ва РСФСР-данул лайкъ хьусса артист, композитор, дирижер, профессор, РАЕН-лул академик, Аьрасатнал Федерациялул Захматрал Виричув, дагъусттаннал музыкалул гьану бивзсса Къажлаев Мурад МахIаммадовичлул аьпалул мажлис. Шинал дайдихьулий, январь зурул 15-ний, аьдатравун багьсса куцшуй, ванал гьану бивзсса школалий лахъа-хьунсса даражалий кIицI лагайссия ва увсса кьини.



«Буниялагу, авадансса бур Аьрасатнавугу, шала билаятрайгу машгьур хьусса композитор, маэстро Къажлаевлул творчестволул мяьдан. ХIакьинусса кьини ванал произведенияртту бур дуняялийх ппив хьуну. Ва хьанай ур дагъусттаннал произведениярттай цалчин балет бивхьусса автор. Къажлаевлул музыкалул произведенияртту бухлай бур Дагъусттаннал ва Аьрасатнал искусстволул классикалул музил фондравун», – тийи, маэстро дакIнийн утлай, бусли бур искусствардал школалул зузалт.

Мурад МахIаммадович дакIнийн утан, творчестволул ххулий ванал бивзсса захматран кьимат бишун бувкIун бия ДР-лул культуралул министр Зарема Буттаева, «Дагестан» ГТРК-лул директорнал хьиривчув Ссалам Хавчаев, Дагъусттаннал искусствардал лайкъ хьусса ишккакку, композитор Рамазан Фаталиев, Дагъусттаннал изобразительный искусствардал музейрал директор Салихлат ХIамзатова, Дагъусттаннал культуралул ми-

нистрну зий бивкIсса Наида АьбулхIамидова ва цаймигу.

Пахрулий учин бюхъанссар, дуняялийх машгьур хьусса композитор Мурад Къажлаев, лакрал миллатрал акъассагу, шалвагу билаятрал аьзизсса арсри куну.

Мурад Къажлаевлул цIа ляличIинура кIулссар ва бусравссар музыкалул искусстволува зат бувчIлачIиминнан. Республикалул музыкалул тарихраву Мурад МахIаммадовичлул цIа хьхьичI ххуттай дуссар Дагъусттаннал профессионал музыкалул гьану бивзминнавух. Ванал творчество дур Ватандалул оьрмулуцIун, макъаннацIун, мунил авадансса тарихрацIун, фольклордануцIун дархIусса. Мурад Къажлаев, гьунар бусса дирижер, композитор акъассагу, ия музыкалул циняв жанрарду лаласун бювхьусса инсан. Ванин барашин хьанай бур «Фархад ва Ширин» симфониялул, Расул ХIамзатовлул «О тебе» тIисса мукьурттийсса вокалданул циклардал, «Горянка» бале-

трал ва чIявусса цаймигу музыкалул жанрардал произведени-ярттал автор ушиву.

Дагъусттаннал миллатрал балет цалчин бивхьумагу хьанхьиссар Мурад Къажлаев. Му бивхьуссар 1968 шинал Ленинградуллал Опералул ва балетрал театрданул сахIналий. Ва опералийну та чIумал ванал творчестволул хьунмасса асар биян бувссар.

Пахрулий кIицI лаганну, Мурад Къажлаевлул каялувшиндаралул республикалий тIивтIушиву итххявхсса оьрчлансса искусствардал школа. ХIакьинусса кьинигу ва школа хьинну сий дуну ва машгьурну бур. Школалий хIасул дурну дур гьунар бусса оьрчIру хьиннува итххявхсса бувансса шартIру. Къажлаевлул укусса школа ккаккун бур Американаву. АцIния аруллахьул шиннардий хияллай ивкIун ур ва школа жула республикалийгу тIитин. Школа тIивтIуния шийнмай шичча итабавкьуну бур цикссагу гьунарду бусса оьрчIру.

Ва кьинисса аьпалул мажлиспай ва школалул оьрчIал ккаккан дунни Мурад Къажлаевлул произведениярттай шаллу дурсса ххаллилсса концертрал программа.

Ахирданий Зарема Ажуванал барчаллагь увкунни Мурад МахIаммадовичлул давуртту лавайсса даражалий дачин дуллалисса педагогтурахь.

ЦIуссалакрал райондалия

Къучагънан барчаллагь баян бунни

Вай гьантрай ЦIуссалакрал Райондалийсса ЦIусса-чIуртташял шяравасса, хьасьса операциялий аьралий бигарду бартбигьлагьисса Даци Оьмаровлуин командованиелул чулухасса Барчаллагь баян бунни. Херсоннал областрай къучагъшиву ккаккан дурсса аьраличувнайн, Даци Оьмаровлуин, Барчаллагь баян бунни «Дон» тIисса разведкалул ва штурмовой бригадалул добровольчестволул корпусрал командованиелул.



Даци Оьмаров

Даци уссия 2023 шинал апрель зуруя шийнай Украиннал аьршарай нанисса операциялий ххишаласса жаваблувшиву дусса аьралий бигарду биттур буллай. Шиккува кIицI лаган, ва гьуртту хьанхьисса «Дон» тIисса бригадалул кьюкьравун бувхсса цинявпагу аьралитал, къучагъну талай, цикссагу наградарттан лайкъ хьуссар.

«Дон» бригадалул артиллеристьтурал хьхьичIавагу, ВСУ-рал боеприпасирдал кIива склад

пIякъ учин бувну, боевиктурал плану лиян дурссия.

ХIакьину жува пахру бан лайкъссар, аьралий буржру бартбигьлай, Дагъусттаннал жагьилтурал зумувнусса чувшивуртту ккаккан дуллалисса жула аьралитурая.

Аьралий буржру лайкъну бартбигьлай бур

Украиннал аьршарай хьасьса аьралий операция байбивхьуння шийнмай цивпа рязину Ватандалул мурадру буруччин хIадурну бушиву ккаккан бунни жула жагьилтурал.

Хьунма хIал къавхьунни ЦIуссалакрал райондалийсса ТIюхчардал шяравасса Эльдардул ва Маратлул хушрай хьасьса операциялий гьуртту хьунсса кьутIи дурну.



Эльдар Аьлиев ва Марат Алхулаев

Ноябрь зурул 17-нийн контрактту чирчуну, Эльдар ва Марат лавгссия аьралий буржру бартбигьлан. Вай цивпагу бур хьинирвал. Аьлиев Эльдар увну ур 1986 шинал, 2006 шинал увцуну ур аьралуннаву кьуллугь булан. Аьралуннаву кьуллугь бувну зана хьуну махь, Чачаннал Республикалийсса Гудермес шагьрулий аьралий кьуллугь булансса контракт чирчуну дур. 2010 шиная 2016 шинайн иянинн зий ивкIун ур Дагъусттаннал МВД-лул органнай. ЦIана СВО-лий Эльдар ур хьунама шупIирну зий.

Ва ур аьралитурал боеприпасу, дуки-хIачIия ххилай ва цIунцIияртту, шавурду дирсса аьралитал азарханалийин биян буллай.

Алхулаев Марат увну ур 1989 шинал. Ялапар хьанай ивкIун ур

ТIюхчардал шяраву. Маратлул бур шанма оьрчI. Аьралуннаву кьуллугь бувну махь, вагу Чачаннал Республикалийн контрактрай кьуллугь буллай ивкIун ур. Ростоврай аьралий курсругу кьуртал бувну, 10-хьул шиннардий зий ивкIун ур ДР-лийсса АьФ-лул Росгвардиялий.

ЦIунцIия хьуну, даву кьаритан багьну, пенсиялийн увкуну ур. Амма аьраличувнал пища ванал дакIнил лавсьсса бивкIун бур. Марат ур 1-мур даражалул бити. ХIакьину ва ур хушрай СВО-рай гьуртту хьанай.

Ча учинну жула аьралитурал, ччясса мутталай ххувшавугу ларсун, цIуллуну-сагьну цала ужагьирттайн зана шаву.

Лажин хIадур дурссар Имара САИДОВАЛ



ИТНИ, 22 ЯНВАРЬ
05.00 Доброе утро.
09.00 Новости.
09.20 «АнтиФейк». (16+).

22.00 Т/с «Большой дом». (16+).
22.45 «Большая игра». (16+).
23.55 «Подкаст.Лаб». (16+).

22.00 Т/с «Большой дом». (16+).
22.50 «Большая игра». (16+).
00.00 «Подкаст.Лаб». (16+).

22.50 «Большая игра». (16+).
00.00 «Подкаст.Лаб». (16+).
03.00 Новости.

22.50 «Большая игра». (16+).
00.00 «Подкаст.Лаб». (16+).
03.00 Новости.

00.55 «Подкаст.Лаб». (16+).
XXULIYUN, 27 ЯНВАРЬ
06.00 «Доброе утро». Суббота.

00.30 «Подкаст.Лаб». (16+).
АЛХИАТ, 28 ЯНВАРЬ
06.00 Новости.

РОССИЯ 1

ИТНИ, 22 ЯНВАРЬ
05.00 «Утро России».
07.35-07.41 Вести-Дагестан

08.35-08.41 Вести-Дагестан
09.00 Канал национального вещания «Малая земля»

11.30 «60 Минут». Ток-шоу.[12+]
14.00 ВЕСТИ.
14.30 Вести-Дагестан

20.00 ВЕСТИ.
21.05 Местное время. Вести-Дагестан

МИЯ «ЗОЛОТОЙ ОРЁЛ».
Евгений Цыганов, Леонид Ярмольник

Рогожкина, Виктория Толстогона,
Лилия Вележева, Евгений Дятлов

08.00 ВОСКРЕСЕНЬЕ.
«Когда все дома с Тимуром Кизиковым».



ИТНИ, 22 ЯНВАРЬ
07.00 Вести-Дагестан.
08.00 М/ф «Маша и медведь» 0+

«С неограниченными возможностями» 16+
05.25 Т/с «Дорогой мой человек» 11, 12 с. 16+

02.50 «Колеса» 12+
03.35 Д/ф «Хранители жизни»

05.00 Д/с «Человеческий фактор».
«Да будет кепур!» 16+

03.00 «За скобками» 12+
03.05 «И в шутку, и всерьез» 12+

«Ледяной Байкал» 12+
02.35 «Подобности» 12+

03.10 «Улыбка спрости» 0+
04.00 Д/ф «Технология счастья» 16+



ИТНИ, 22 ЯНВАРЬ
04.50 Т/с «УТРО». (16+).
06.30 «Утро. Самое лучшее».

02.30 Т/с «Соло для пистолета с оркестром». (16+).

АРВАХИ, 24 ЯНВАРЬ
04.50 Т/с «УТРО». (16+).

06.30 «Утро. Самое лучшее». (16+).

06.30 «Утро. Самое лучшее». (16+).

09.20 «Едим дома». (16+).

АЛХИАТ, 28 ЯНВАРЬ
04.50 Т/с «УТРО». (16+).

«Илчилул» календарь

Ва нюжмардий бувссар:

Январь зурул 15-ний 1931 шинал увссар композитор, СССР-нул халкьуннал артист **Мурад Къажлаев**.

Январь зурул 17-ний 1935 шинал увссар филологиялул эл-мурдал доктор, профессор **Нурислан Джидалаев**.

Январь зурул 17-ний 1951 шинал увссар жяматийсса иш-ккакку, политик **АхИмад Нахаев**.

Январь зурул 18-ний 1939 шинал бувссар ДР-лул лайкь хь-сса артистка **Уди Аьлиева**.

Январь зурул 20-ний 1954 шинал бувссар балайчи, Дагъус-таннал халкьуннал артистка **Мирханум Шарипова**.

Барча бавуртту

Январь зурул 12-ний Републикалул прокуратуралий хьуна, Дагъусттаннал БакIчи Сергей Меликовгу гьурттусса, Аьрасатнал прокуратуралул органнал 302 шин шаву кIицI лаглагисса мероприятие. Ва шад-лугърай лахьсса кьимат бившу-на Гьумучатусса **Анвардул арс Сулайманов Юсуплунгу**. Дагъусттаннал прокурор Виктор Эпллул юстициялул хьунама советник Сулайманов Юсуплун дуллуна «Аьрасатнал Федера-



циялул прокуратуралул Бус-равсса зузала» тIисса хьазам-рай лачIай лишангу, Аьрасат-нал Генеральный прокурор И. Красновлул цIаниятусса Гра-мотагу. Ва Аьрасатнал про-куратуралул яла лараймур на-градар, чIярусса шиннардий хьхьичIунну зузиминнан ду-лайсса. 38 шинай прокуратура-лий дакI марцIну кьуллугъ був-сса ва буллалисса жула мацца-чувнан укун лавайсса кьимат би-щаврия жу циняв ххаригу хьуру, пахрулийгу буссару. ЦIанасса

чIумал ва Хасавюртуллал рай-ондалул прокурорнал кьул-лугъ чIумуйну бартбигълай ур. Чув зурчагу, Сулайманов Юсуплул цува даврил бюхьу бусса, цIакьну закондалул хху-ллу-ххуттай авцIусса ушиву ккаккан бувссар. АрхIал зу-зиминнаву ва кIулцириннаву ванал хIурмат лахьну буссар. ДакIнийхтуну барча дуллау ва багъавай лайкь дурсса на-града, чIа тIий буру цIакьсса цIуллушиву ва тIайлабацIу.

Мачча-гьанми



Уттигьанну Хасавюртуллал шьяраваллил хозяйстволул кол-

леджрал преподаватель, ххал-лилсса лаккудуш, ТтурчIиял шьяравасса **Оьмарова Амина Сулаймановна** жагьилтал тарбия баврил ххуллий бихь-лахьсса захIматрахлу дуллу-ни «Аьрасатнал лайкь хьусса педагог» тIисса ХIурматрал лишан.

ДакIнийхтуну барчагу бул-лай, чIа тIий буру Аминан цIуллушиву, гьарица ишираву тIайлабацIу, пишалул ххуллий хьхьичIуннайшивуртту. Му-нияргу бюхттулсса наградарт-ту ласлай ккакканнав, зунсса гьира-шавкь кьалещаннав.

ТтурчIиял жямат

Вай гьантрай Карашрал Шьяраваллил дуклаки оьр-чIашал хьунабакьин бувкIун бия Республикалул цIа дур-ксса спортсментал. Ванил сип-тачину ва сакиншинначину ия МахIаммадул арс Аьбдулка-рим Айгунов.

Лакрал райондалия ЦIанихсса спортсментал Карашрал школалий



Хьунабакьаврий хьамаллу-рахь аьла-ссалам бувну махь, лав-ваймур классрал дуклаки душнил кIицI ларгуна Карашрал шьярава-ту бувксса машгьурсса спортсмен-турал цIарду: Ибрагьим Ибрагьим-ов – лачIун буккавил СССР-данул спортрал мастер, Ярагьи Шуаьев – лачIун буккавил Евро-панал чемпион, Баттал ХIажиев – лачIун буккавил дунияллул хал-кьуннал дянивсса классрал спор-трал мастер, Жаруллагь Муратов – СССР-данул ва Европанал аьшуйн битаврил чемпион, дунияллул ре-кордмен, Аьбдулкарим Айгунов – карунний бияврил дунияллул чем-пион, Аьрасатнал кунгфулул хьу-нама тренер.

Карашав бувкIсса хьамаллу-равух бия Шамил МахIаммадов – дзюдолул кIийла дунияллул чемпи-

он, МахIачкьала шагьрулул собра-ниялул депутат, МахIаммад-Эмин ХIажиев – Дагъусттаннал федера-циялул боевой искусстварттал цал-чинма президент, МахIаммад Жа-браилов – ММА-лул кIийла дуния-ллул чемпион, лачIун буккавил спортрал мастер, Ссалам Давудов – Аьрасатнал ва дунияллул ММА-лул чемпион.

Хьунабакьаврий махьру лав-хьуна Аьбдулкарим Айгуновлул, МахIаммад-Эмин ХIажиевлул, Ла-крал райондалул бакIчинал хьир-ивчув Юсупа ХIамзаевлул.

«Спартак» клубрал каялув-чи Шамил Карапаевлул Барчал-лагьрал чагьар буллуна Караш-рал школалул директор Эмир ХанмахIаммадовлун. ХIабиб НурмахIаммадовлул буттауссил

ХIабиблул итабавкьусса спор-тсментураясса лу пишкаш бувна спортрахун машхул хьанахьисса дуклаки оьрчIан.

«Россеттилул» ва «Дагэнерго-лул» директорнал хьиривчув Ар-сен ХIажиевлул бакIрайн лавсуна Лакрал райондалул энергетикалул тагьар ххал дигьин ва аьркинсса ку-маг буван.

Хьунабакьаврий махьру лав-хьуна Буршиял шьяраваллил ли-дер Ширвани Мамедовлул, Ма-хIачкьалаллал цалчинмур азарха-налул хьунама хIакиннал хьирив-чув МахIаммад Мусаевлул, Ссалам Давудовлул.

Яла хьамаллавгуна Гьумучиял Хьун мизитравун.

ХIасан АьДИЛОВ

ИхIсандалул ххуллий

ЦIими бушивул. Украиннал аьрщарай хасьсса аьралий опера-ция байбихьуния шийнмай жула инсантурал – личIи-личIисса идарттал вакилтурал, жяматийсса ккураннал, кулпатирттал цала-цала цикссагу акциярду дунни аьралий операциялий гьуртту хьанахьиминнан ва, тай иширттаву шавурду дирну, госпитальлай хьин хьанахьиминнан кумагран.

Уттигьаннугу, жула лакку-душ, Аьрасатнал Обороналул министерстволул Санэпиднад-зорданул Агьаммур центрданул лабораториялул отделданул зу-зала, фельдшер-лаборант Хха-диджат ЦIаххаевал сипталий ва сакиншиндарай, Центрданул ва-килтал бахшиширтташчал биву-на шавурду дирну хьин хьана-хьисса аьралитурачIан 2-мур ве-терантурал госпитальданийн. Чара бакьа аьркинмур ва нахIу-нацIу дирхьусса кьуцуртту хIадур бувну бия вайннал шалагу отде-ленилийсса ххюцIаллий ххюя-гу аьраличувнан. ЛичIисса кьу-цуртту бия захIматсса тагьарда-нийминнангу.

– Жул коллега Михаил Михай-лович медициналул роталул ко-мандирну хасьсса аьралий опера-циялийн лавгьисса август зу-руй. Ца барз хьуннинма жан ду-лун кьисмат хьуна. Мунал аьпа-лун жул Центрданул сакин бувна «Архангел Михаил» тIисса аьра-литурал кумаг буллансса группа. Цалчинсса жул акциягу меди-циналул зузалтран аьркинмунил кумаг буллалисса хьуна. Медрота-лувуминнал кулпатиртташчалгу дахIаву дурну, кIул бувссия ме-дроталун ци аьркинсарив. Пач-ру, даруртту, шавурду дахIинмур,



чара бакьа аьркинмур, ларсун, тIайла дуккару. Хьиривсса жул акция хьуна госпитальданийнсса аьрххи. Шавурду дирминнан аьр-кин дагьлагьимунисшал архIал жу лавсун бувкIру аьралитурачIан

мюрщи оьрчIаясса чагьарду ва миннал дирхьусса суратру. Ттун ччан бивкIуна жула ватанлувтгал бусса отделенилийн гьан. Ва от-деленилий буссар лаккуоьрчIру: Эдуард Ибрагьимов (Хан Леков) ва Мусаннип ХIажиев. Аьра-литал жуцIа хьинну ххари хьу-на. Барчалагьрай бия. Хасну-ва нукIува жушал дустал хьусса жула оьрчIру. КIицI кьадурну дитан кьахьунссар, Центрданул аппаратравусса, организацион-но плановый отделданул хьунама, Дюхьлиясса Аьлиев Бахрам Аь-лиевичлул цIа. Вай акциярду ду-лалисса чIумал, жун ваная хьун-масса кумаг шай шавурду дирсса аьралитал, хаснува дагъусттан-лувтгал, цума чув уссарив кIул бан. Цала миллатгу ххирасса, чумарт-шивул бутIа буллусса инсан ур, – тIий бур Ххадиджат.

КIицI лаган ччива, хась-ксса аьралий операция бай-бивхьуния шийнмай Ххадиджат-лул ва ххуллий хьуннасса чир-лул даву дуллау бушиву. Ва ва-нил цалчинсса аьрххи бакьар аьралитурачIансса. Ххадиджат гьуртту хьуссар Медициналул зузалтрал ассоциациялул, Мо-скваливсса «Дараччи» фондрал, «Дагъусттан» МЦК-лул дулла-лисса акциярттавуху, цила кул-патрашалул цимилагу бивсар жула аьралитурачIан. ХIакьину госпитальданий хьин хьанахьис-са чIявуминнан ванил цIа ххуйну кIулссар. Шардаллил дукрарда-шчал, аьркин дагьлагьимунисшал бивува бакьассагу, цила даврил уртакьтурайхчин Ххадиджатлул бакI цIуцIаву дайссар вайннаха ххуйсса аякьа дангу. ЦIуллушиву дулуннав! Бюхьлай личIаннав!

Андрiana АьБДУЛЛАЕВА

Ахир. Дайдихью №1

Халкьуннал
дусшиврул
ламурду

– Жула билаятрай дайди-хьуну, Расул Хамзатовул 100 шинал сапар бавхунни кьатгаллил билаятирттайнгу...
– Мийжаннугу, сентябрь-дания тлайла хьуну, октябрь-дания лавайсса даражалин ккаккан дурссар яргсса программарду Санкт-Петербурграй ва СНГ-лул билаятирттал хьуншагьурдай – Минскрай, Бакуй, Ташкентрай, Бишкекрай. Гьарца кьанттай Расул Хамзатовул махъ ва жула магьирлуьгьрал устартурал гьунарду кьамул буллай бия кьакъа-багъавай хьатру ришлай. Вай мeroпpиятирдал бивхьуссар Совет Союзрал билаятирттайнсса ца ттигу дусшиврул ламу.

Кийи кьалавгун кьахьунссар мeroпpиятирду лайкьсса даражалин тлайла дуккавил ххулий ДР-лул Хикуматрал хьунама Абдулмуслим Абдулмуслимовул, Халкьуннал Мажлисрал хьунама Заур Аскандаровул, вице-премьер Муслим Теляковул бувсса захимат. Вайннал каялувшиндарай лавгссар республикалул официалсса делегацияртту Аьрасатнал регионнайн ва дазул кьатлув.

Гьарца аьрххилул лагрулий хьуссар шаэрнал аьпа абад бансса давуртту. Санкт-Петербурграй Аьрасатнал Национал библиотекалий тивтгуссар шаэрнал бюст, А.И. Герценнул цанийсса Аьрасатнал паччахьлуьгьрал педагогический университетраву хьуссар шалагу Аьрасатнал научно-практический круглый стол «Литературное наследие Расула Гамзатова».

Белоруссиянаву Литературал кьатлуву жу ххал дарду Белоруссиянал ва Аьрасатнал шаэртал гьурттусса музыкально-поэтический вечер, Мемориал комплекс «Хатынь». Чичарду Белоруссиянал Национал библиотекалул Р. Хамзатовул цанийсса Дагьусттаннал Национал библиотекалул кьатлуву.

Азирбизаннаву жула делегация лавгссар Хамзатовул кьуркьирттал сипат чирчусса «1941-1945» шиннардай ливтгуминнал аьпалул монумент ва Бакуй Обруснал кьатлуву Расул Хамзатовул юбилейран хас дурсса выставка ккаккан.

Узбакисттаннай хьуссар ДР-лул Хикуматрал хьунама Абдулмуслим Абдулмуслимовул Узбакисттаннал Олий Мажлисрал Сенатнал хьиривчув Содик Сафоевулшалсса хьунабакъаву. Мукумма делегация лавгссар Чирчик шагьрулий Кияла кьуркьирттансса мемориал комплекс ххал бан.

Кьиргизнаву К.Баялиновул цанийсса Республикалул оьрчал библиотекалий тивтгуссар Расул Хамзатовул бюст ва мурицу, хьуссар кьанттул диаспоралул хадур дурсса музыкально-поэтическая программа. Дагьусттаннал Чичултрал союзрал ва библиотекалул пишкаш бувсар Дагьусттаннал чичултрал 300 жуж, Дагьусттаннал миллатирттал мазурдийсса литературалул журналлу.

Гьарца кьанттайнсса жула

Жул интервью

Расуллул махъ абадссар



юбилейрал маршрутрал лагрулий ккаккан бувссар проект «Родники Расула Гамзатова», жула лавгсса регионал артистталгу гьуртуну.

Кийи банна, Расул Хамзатовул ттуршра шинан хас дурсса гастроллал афишардал ххари буллай бивкшиву билаятрал регионал тамашачитал. Волгоградрай ккаккан бувссар Дагьусттаннал опералул ва балетрал театрду миллатрал балет «Асият», Ивановолий – Обруснал драматический театрду Хамзатовул «Неоконченный концерт», Лакрал театрду хьунмасса тлайлабуцулшала «Последняя цена» спектакль ккаккан бувссар Элисталий, Владикавказрай, Нальчикрай, Грозныйлий, Казаннай, Саранскрай, Пятигорскалив, Москвалив.

Расул Хамзатовул культуралул код цаву бусса выставкарду хьуссар Сочилий, Абаканнай, Ставрополлай, Москвалив, Владимирдай, Кисловодскалий, Пятигорскалий, Горноалтайскрай.

Расул Хамзатовул 100 шинан хас дурсса мeroпpиятирду багъа бакъасса опытно хьуссар регионал ва дунияллул халкьуннал дьанивсса культурардал программарду ва проекту шуруши баврил ва цу-цусса дахлавуртту цакъ даврил ххулий.

– Инава увкусса кущуй, Расул Хамзатовул 100 шинал шадлуьгьрттан хас дурсса республикалул сияхьравун духлай дия магьирлуьгьрал идарартту цин лавхьхьусса даражалин буцинсса мeroпpиятирду. Ци давуртту дурссар ведомстволу?

– Расул Хамзатовул юбилейрал шинал капиталнайсса ремонт кьуртал дурссар Цадав XI. Цададал цанийсса Литературно-мемориал музейраву, магьирлуьгьрал ирсирал объектирдацунсса талавшиннарду хисаврайн ларсун. Баххана бовесар музейрал библиотека, прожекторданушалсса кинозона.

Мукумма, Министерстволул, Республикалул бакчи Сергей Меликовул амрулийн буну, реконструкциялия махъ мультимедий технологиярттал лашу-шаллу буну, зузи бувсар Цадава «Белые Журавли» Мемориал комплексрал экспозиция. Цила чумал кьуртал дурссар объекту бакьин баврил ххулийсса давуртту.

Хамзатовул
творчество
— гьавасрал
щарацци

– Зарема Ажувна, шала билаятрай 100 шинал шадлуьгьру нанисаксса халлай Расул Хамзатовул творчество хьунни микку гьуртту хьанахьминансса бухъалагайсса гьавасрал шарацину. Цуми федерал культуралул проекту кийи бан бюханссар?

– Мийжаннугу, шаэрнал 100 шинан хас дурсса мeroпpиятирдай жунма ккаккунни Хамзатовул мукьул гьавасрал кьуват цуксса гужсса буссарив! Шалагу билаятрай хьунни Расул Хамзатовул оьрмулуцун ва творчестволуцун бавхьусса ишру. Ганал произведенийртту баллай бия жула миллатирттал мазурдий. Так ца «Расул Гамзатов глазами детей» тисса шалагу Аьрасатнал акция даканийн бутарчагума, «Культура для школьников» ведомстварттал дьанивсса культурно-образовательный проектрал лагрулий гьуртту хьунни 8000 дуклаки оьрч. Ва конкурсрай ххув хьуминнайн жу овкуссар Кремлевский дворецравун.

Расул Хамзатовул 100 шинан хас бувсса федерал лагрулийсса проекту хьуссар М.Рудоминнул цанийсса Шалагу Аьрасатнал паччахьлуьгьрал кьатгаллил билаятирттал библиотекалуву, Москвалив Аьрасатнал ттизаманнул Тарихрал центральный музейраву, Паччахьлуьгьрал Машрикьуллал музейраву, П.И. Чайковскийл цанийсса Москвауллал паччахьлуьгьрал консерваториялул Хьунмур залдануву, Ленинградуллал блокадалул ва мюхчаншиврул паччахьлуьгьрал мемориал музейраву, Аьрасатнал национал библиотекалуву, В.И. Дальлул цанийсса Аьрасатнал Литературалул паччахьлуьгьрал музейраву.

Москваливсса Дагьусттаннал Постпредстволул дуллалисса мeroпpиятирдавун чьаишну хала бувхьсар Москвауллал 42 вуз. Шинал лажиндарай хьуншагьрулул 13 паркраву ва Никитский бульварданий хьуссар фотывстав-

картту. Выставкартту хьуссар Внуково, Шереметьево, Домодедово аэропорттайгу. Майрай Измайловский паркраву хьусса «Мой Дагестан. Наш Расул» тисса мeroпpиятелийн бивкун бия 30000-ннийн бивсса хьуншагьрулул агъали ва хьамал. Расул Хамзатовул суратру лархьун дия билаятрал 7 регионалий 111 билбодрай.

Расул Хамзатовул ца дирзунни Ростов-на-Дону, Сыктывкар, Волгоград, Санкт-Петербург шагьрудайсса кичирттан. Алламе Табатабаилул цанийсса Тегераннал университетрал хьхичи, Кьиблалул Аьсатиннал Цхинвал шагьрулий Вокзалданул майданив бацан бунни шаэрнал бюст.

Шаэр увсса кьини, сентябрьданул 8-нийн, «Россия. Культура» телеканалданий хьуссар «Расул Гамзатов. Страна любви» тисса документал фильмрал премьеры. Цалчинмур каналданул эфирданий жунна ттигу ххал хьунтгиссар «Дагестан» РГВК-лул хадур бувсса художественно-документал проект «Век Расула».

Расул Хамзатовул хас бувсса федерал проектирдал лагрулий хьуссар Петербурграй Дунияллул халкьуннал дьанивсса экономический форум, Москвалив дунияллул халкьуннал дьанивсса туризмалул ва хьамал кьамул баврил индустриялул выставка, Владикавказрай PRO Кавказ Медиафорум, Сочилий «Вся Россия – 2023» тисса ттизаманнул журналистикалул форум, ВДНХ-лий Дагьусттан Республикалул кьинирду. Расул Хамзатовул произведенийрттал лутгирду наградтан лайкь хьуссар Уфа шагьрулий «Китап-Байрам» тисса Дунияллул халкьуннал дьанивсса лутгирдал ярмаркалий ва Москвалив «Красная площадь» тисса Дунияллул халкьуннал дьанивсса лутгирдал выставкалий.

– Расул Хамзатовул ватандалий Дагьусттаннай хьусса аьдад дакьаьсса мeroпpиятирдава цуми проекту кийи банссия ина?

– Резонанссы иш хьуссар яматрал дьанив Расул Хамзатовул шеьрирду ккалаккаву, цувгу дайди хьусса ДР-лул Хикуматрал бакчи Абдулмуслим Абдулмуслимовул шеьри буккаврия. Шаэрнал шеьрирду ккалай бия республикалул влаьтрал органнал каялувчитал ва муния тихун-

май личи-личисса оьрмурдал ва миллатирттал инсантал. Шаэрнал цанийсса Национал библиотекалул онлайн-кьаралданий буккинсса даражалин бувцунни оьрус мазрайсса, яру мазрайсса ва чьавусса цаймигу дунияллул халкьуннал мазурдийсса 40 жуж. Гьарца ножмардий «Гамзатовская среда» проектирдал лагрулий аудио-журалий итабакълай буссия Дагьусттаннал халкьуннал мазурдийсса шеьрирду.

Расул Хамзатовул Шинал республикалул театрдал репертуардаву ххи хьуссар шаэрнал произведенийрттаясса постановкартту. Миннувацца цаппарасса бивхьуссар Аьрасатнал Культуралул фондрал, Дагьусттан Республикалул бакчиннал ва Хикуматрал грантирттан дурхьусса арцух. Вай хьанай бур Дагьусттаннал опералул ва балетрал театрду вокально-хореографическая композиция «Берегите матерей», Обруснал театрду спектакль «Остров женщины», Дагьусттаннал опералул ва балетрал театрду музыкально-драматический концерт «О тебе я думаю», Дагьусттаннал паччахьлуьгьрал Ссихьрал театрду спектакль «Хочбар» ва цаймигу.

Музейрал проектирдава на кийи бавияв П. Хамзатовул цанийсса Дагьусттаннал изобразительный искусствардал музейрал хадур бувсса билаятрал регионалысса 96 авторнал произведенийртту цачун бувсса «Абстрагамз» тисса Шалагу Аьрасатнал проект.

Расул Хамзатовул бюхттулсса ирсирахув ялун нанисса ник машхул дан кабакьу буллалисса яргсса проектну хьуссар «И в каждой книге мир неповторим» Шалагу Аьрасатнал оьрчал шеьрирду буккаврил фестиваль, оьрчал театр студиярттал фестиваль, «Высокие звезды» оьрчал суратирттал выставка, «Пою тебе, Кавказ мой милый» тисса шеьрирду буккаврил XXVI-мур Республикалул конкурс ва цаймигу.

Мукунна, ведомстволул ва мунил биялайицца идарарттал чулийн буккан бувссар кьанттая кьанттайн ласайсса выставкарттал проекту ва концертирттал программартту.

Шаэрнал ттуршра шинал мeroпpиятирртту хадур даврил ххулий хьунмасса захимат бивхьуссар республикалул кьулшиву дулаврил ва культуралул муниципал идарарттал.

Чьавусса агьамсса проекту дузрайн бувкссар кьулшиву дулаврил ва жагьилтурал политикалийхчил.

Хасул дурссар мобиль приложение «Наш Расул», мукунна зузи дурссар вара цанилусса мультимедий форматрал информаций портал. Лябуккуну зий дуссар шаэрнал оьрмулувацца ишру, шаэр даканийн утлатисса, шаэрнал ттуршра шинал юбилейрал мeroпpиятирдава булассисса Телеграм-канал «Сакля Гамзатова».

Шаэрнал ттуршра шинан хас буну хьуссар укунсса журналлу проекту: «Горцы» тисса XXI-мур дунияллул халкьуннал дьанивсса фольклорданул ва аьдацца культуралул фестиваль, цалчинсса дунияллул халкьуннал Каспийский цифровой форум, «Хранители традиций» тисса Шалагу Аьрасатнал халкьуннал художестволул сянатирттал фестиваль,



Жул интервью

Расуллул махъ абадссар



махъуннай. Хакъину шанма бутул ца бутла жула жагилтурал личлай бур ва проектрал къатлур. Ишла дуллаяра паччахлулгърал зунна итадакълакысса арцу.

- Хакъину культура хъьичлуннай хъанай дур магъирлулгърал идарартту, миннул материально-техническая база цу буккан баврийну. Вай иширттан махъсса шиннардий жула республикалун кумаг буллаи бур «Культура» миллатрал проектрал ва цаймигу федерал программаттал лагрулий. Махъсса шиннардий жула республика хъьичлунсса ххуттай дия ва проект шуруци бавриву. Цукунсса хьур ларгсса шиналми хласилу?

– Паччахлулгърал магъирлулгърал идарартту – театрду, музейрду, шяраваллал магъирлулгърал къатри, оьрчал магъирлулгърал школартту, библиотекартту – вари лещан къариртун лархъунна ритан аьркинса «ужаьрайсса цу». Агъали вай идарарттайн кунку туншиврул багълай бур ми цин лавхъхъусса даражалый бугъан.

«Культура» миллатрал проектрал ва «Культура малой Родины» федерал программалул лагрулий чаланну хъьичлуннай хъуссар жула агъалинал оьрмулул къулайшиннарду.

Хисав бара зува, 2019 шиная байбихъуну, 2023 шинайн бияннин муниципалитетиртташачацлуну жуца бан бихъунни 6 Магъирлулгърал къатта, «Лезгинка» ансамбльданул къатта, капиталныйну бакъин бувссар 50 магъирлулгърал идара: вайннува 41 магъирлулгърал къатта, 8 оьрчал магъирлулгърал школа ва 1 муниципал музей. Чири-хъунсса ремонт дурссар Магъирлулгърал 9 къатлуву. Цу дуккан дурссар Магъирлулгърал 50 къатлунсса, республикалул 10 театрданунсса матах. Хисул бувссар 11 модельныйсса библиотека, 1 виртуал концертный зал, 3 виртуал музейрал зал, музыкалул инструментирттал, матахлрал ва дуккавил материаллал лашу-шаллу бувссар оьрчал магъирлулгърал школартту ва училишартту. Машан ларссар республикалул театрдансса 9 единица автотранспортрал ва 7 автоклуб. Музейран дуркссар хасъсса ва выставкардан ишла дайсса матах. Гьарца шинал би-

блиотекарттаву цу буллаи буссар луттирдал фонду. Ялун дуркссар шинаву вай давуртту гихуннайгу дуллантиссару.

Цу буккан бувсса магъирлулгърал идарартту шиная шинайн чяву хъанай бухьурчагу, кици бан багълай бур лекъавайсса тагъарданыйсса магъирлулгърал идарарттал аьдадгу мура кушцуй лахъсса душиву.

- «Культура» миллатрал проектрал лагрулий хасну лакрал районнай ци давуртту дурссар?

– «Культура» миллатрал проектрал лагрулий 2017 шиная шийнмай бакъин бувссар Гьумук Магъирлулгърал къатта, капиталныйну ремонтту буну, материально-техническая база цу кан бувссар Гьунчукуьатлрал, Ккулал, Ккурккулал шяраваллал Магъирлулгърал къатраву, цу дурссар Гьумук Совет Союзрал Виричув Муса Маннардулул цанийсса музейрал къатри. Цуссалакрал райондалун буллуссар автоклуб.

- Республикалул Хукуматрал дуллалысса сий бюхттулсса «Душа Дагестана» премиялул хлакьираву ци бусанна?

– Халкъуннал магъирлулгърал ирс ябаврил ххулий магъирлулгърал зузалтрал буллалысса захматран лавайсса кымат бичуншиврул, ДР-лул Хукуматрал 2012 шиная шийннай дуллаи байбихъунни премиялул лайкъ хъуну ур 151 инсан.

Премия цурдагу дуллалысар 8 номинациялий: халкъуннал къавтлаву, халкъуннал балай, халкъуннал музыка, аьдатсса халкъуннал культура, халкъуннал театр, халкъуннал музыкалул инструмент, чява гунарду.

Гъашину «Аьдатсса халкъуннал культура» номинациялий ххув хъунни Ккулал райондалул «Вихьлидуш» къавтлаву ансамбльданул каялувчи Рукъижат Хасанхусайнова. Ларгсса шинал вава номинациялий ххув хъуссар Цуссалакрал райондалул «Дараччи» фольклорданул ансамбльданул каялувчи Башарат Мухладова.

– Украиннал аьршарай жула паччахлулгърал бачин буну бур хасъсса аьралий операция. Магъирлулгърал оьрмулуву даингу агъамсса кяну бугълай бивкссар биялатрал язи-

сса тарих ккаккан буллалысса иширттал. Магъирлулгърал ишккаккулт турча, дуллаи бивкссар ватандалул ххулий чувшиврул бурж биттур булламиннал дакурдивун гъавас бутансса давуртту. Ци даву дуллаи буссар магъирлулгърал идарартту ва ххулий?

– Ведомстволул ва мунил биялалысса идарарттал давриву агъамсса кяну бугълагъиссар хасъсса аьралий операциялий гуртту хъанакъисса аьрали-туран ва миннал кулпатирттан кумагрансса ихсандалул мероприятиедал. 2023 шинал дурну дур 100-нния лирчусса мероприятиеду: килшиву дулаврил идарарттай, музейрдаву дурссар хасъсса аьралий операциялий гуртту хъанакъисса аьрали-туран ва миннал кулпатирттан кумагрансса ихсандалул мероприятиедал. 2023 шинал дурну дур 100-нния лирчусса мероприятиеду: килшиву дулаврил идарарттай, музейрдаву дурссар хасъсса аьралий операциялий гуртту хъанакъисса аьрали-туран ва миннал кулпатирттан кумагрансса ихсандалул мероприятиедал. 2023 шинал дурну дур 100-нния лирчусса мероприятиеду: килшиву дулаврил идарарттай, музейрдаву дурссар хасъсса аьралий операциялий гуртту хъанакъисса аьрали-туран ва миннал кулпатирттан кумагрансса ихсандалул мероприятиедал.

Республикалул концертирттал идарартту занай буссия хасъсса аьралий операция нанисса кянттурдай ва аьралий госпитальлай концертру ккаккан дан. Майрай «Молодость Дагестана» ккакканал халкъуннал къавтлаву гурттал паччахлулгърал ансамбльданул концертру ккаккан дурссар Мелитопольлай, Севастопольлай, Бердянскрай, Геническрай, Пироговулул цанийсса аьралий госпитальданый.

Июльданый Балтийский салисса ва Калининградрайсса Хиписартурал къатлуву «Лезгинка» ансамбльданул «Сила искусства» тисса театральномызыкальный проектрал лагрулий ккаккан дурссар концерт. «Мы – Россия» проектрал лагрулий ансамбльданул ккаккан дурссар Луганскаллал ва Донецккалал республикарттал, Херсонскаллал ва Запорожскаллал областирдал коллективиртташачацлусса концертру. Ноябрьданый ансамбль дуркссар Брянск шагърулий дазурду дуручлулгърал хъьичлун. Жула машгуресса эстрадалул артистьтал лавгссар передовойлий талатисса аьрали-туран ва аьралий госпитальлай концертру ккаккан дан.

Агъамсса ххуттай дирхъуну дурссар хасъсса аьралий операциялий гуртту хъанакъисса кулпатирттансса ва оьрчансса украсса мероприятиеду.

Ва давриву жу уртакъну зий буссару #МыВместе регионал штабрасал, «Все вместе» регионал социал фондрашачацлуну ихсандалул фондиртташачацлуну аьрали-туран кулпатирттал комитетрашачацлуну «Народный Фронт «За Россию» тисса Аьрасатнал жяматийсса курандалушачацлуну Ватан дуручлулгърал фондрашачацлуну Цусса шинал бахшиширтташачацлуну кява хъусдуххай машина тийла бувкссар Запорожскаллал областьрал Михайловское райондалул оьрчан, Цусса ши-

нал программарду укра ккаккан дурссар хасъсса аьралий операциялий гуртту хъанакъисса аьрали-туран оьрчан.

Культура гьар чумалла зий диркссар ххувшаврийнсса вихшала ххи даврил ххулий. Хакъинугу магъирлулгърал зузалт хъуннасса къулагъас дуллаи буссар жула виртаврал кулпатирттах.

- Ларгсса шинал културалул оьрму бия хъинну яргсса ва авадансса, мунияту му бигъассагу дакъая. Цинявппа чулийн бувкссарив ларгсса шинал хъьичл бивхъуну бивкссар мурадру, юхссагу ливчлрив Цусса шинаву бартбигъинссагу?

– Магъирлулгърал зузалтрал пишакаршиврийну жуца чулийн буккан бан бихъунни чявусса мурадру. Кказитрал лажиндарай миннуя шаллуну бусан къахъунссар. Кици данна, так Расул Хамзатовлул шинан хас дурсса хъуннасса программа лайкъсса даражалый чулийн дуккан дан бихъунни, жула республикалул каялувчирал кумаграцлур ва федерал сакиншиннарал комитетрал кабакъаврийну.

Министерстволул хъьичл бивхъуса чявусса мурадру бур лахъисса чумуй биттур бан ккаккан бувсса. Мунияту цаппарасса мурадирттал ялув жу зунтиссару ялун нанисса шинавугу. Ми дур аьдатсса культура ядаврил, пишакарсса магъирлулгъ хъьичлуннай даврил, пишакартал хидар баврил, пишакартал хидар идарарттал материально-техническая база цаьк баврил, оьрчал ва чява жагилтурал творчестволул кабакъу баврил ххулийсса, терроризм-лийн къаршисса, хасъсса аьралий операциялий гуртту хъанакъисса миннал кулпатирттан кумагрансса проектру ва программартту.

Шинал ахирданый жула ялун дирунни духан захматсса къурчлшиву – жуятува батлул хъунни СССР-данул халкъуннал артист, Аьрасатнал Захматрал Виричув, хъуннасса композитор, Мурад Къажлаев. Дуниялийн машгур хъусса ванал авадансса музыкалул ирс хъуссар Дагъусттаннал рувханийсса културалул багъа бакъасса хазнану. Январьданул 15-нний кици дарду жула язисса маэстро увсса кьини, ва кьини ванал школалий хъуссар композиторнал аьпалун хас бувсса акцияртту, ккаккан бувсар балет «Асият». Мартрай ванал кабинетраву тивтлуссар композиторнал цанийсса мемориал музей.

2024 шинал республикалий гьарза-гьартану кици лагантиссар дагъусттаннал литературалул классик Сулайман Стальский дунялийн увккун 155 шин там хъанакъисса юбилей. Республикалул бакчи Сергей Меликовлул амрулийну, сакин бувсар мероприятиедаха зунсса группа, зий буссару дансса мероприятиедал сияхраха.

Дурмурнийран данмур ттигу чярур. Умуд бур ялун дуркссар шинаву хъьичл бивхъуса мурадру чулийн буккан бан бихъансар тисса.

- Барчаллагъ хъунмасса мюнпатесса ихтилатрахлу, Зарема Ажувнай! Тийлабацлусса хъуннав ва шин магъирлулгърал идарарттан ва зузалтран!

Ихтилат бувссар
Зулайхат ТАХАКЪАЕВАЛ

Магъирлулгъ
республикалул
оьрмулуву

- Асар хъунсса дия Расул Хамзатовлул 100 шинан хас дурсса мероприятиедал лагру. Му хъуннасса давришачацлуну Культуралул министерство ва мунил биялалысса идарарттал цила чумуй биттур бунни ларгсса шинаву хъьичл бивхъуну бивкссар мурадру. Ссайну дакний лирчлунни 2023 шин?

– 2023 шин Паччахлулгърал Бакчинал Указрайн буну баян буну дуссия Педагогал ва насихатчинал шинну. Мунил хас дурсса чярусса культурно-просветительский мероприятиеду килшиву дулаврил идарарттай, библиотекарттаву, музейрдаву, театрдаву.

Дагъусттан – гунардал буллулгъсса аьршир. Ми гунарду аьч баву турча, цала инсаналгу, лагма-ялттуса тагъарданулгу биялалысса ишри. Гунарду аьч бавриву педагогал ва насихатчинал бугълагъиссар агъамсса кяну. Арул азара зузала усса културалул зузалтрал аьралуннаву гьарцагу зузала ккалли хъанакъиссар учительнан – сахналийн уккайисса артистгу, экскурсия буллалысса музейрал зузала хъуннав ягу луттирду буллалысса библиотекалау зузала хъуннав.

Хакъину жула республикалий културалул килшиву ласлай усар 26 азара дуклаки оьрчл.

Ларгсса шинал чулийн бувкссар оьрчлру республикалул магъирлулгърал идарарттачан гьан баврил ххулийсса тамансса культурно-просветительский проектру. Ми хъанай бур районная ва шагъурдаясса дуклаки оьрчлру укв театрдаву, музейрдаву буцлалысса проект «Культура – детям Дагестана», вава проектрал лагрулий республикалул театрду ва концертирттал идарартту лагайссар шархъавун ва шагъурдайн оьрчал хъьичл гуртту хьун.

Магъирлулгърал идарартту чялишну зий буссар 2021 шинал паччахлулгърал бакчинал сипталийну шуруци дурсса «Пушкинская карта» тисса Шалагу Аьрасатнал программалийхчилгу.

Оьвчаву дан чива 14 шиная 22 шинайн бияннинсса жагилтурайн: паччахлулгърал зул картардайн тийла дурксса арцу ишла къадурну занадиклай дур

Ниттил мазрай ярусаннал мазрай «рахьдал мац» учару, бусса куцуй таржума буварча, «накЛил маз» хъанай бур, гъаннайсса, ниттил накЛищал жула оьттуттурчлаву буххайсса маз буну тИий. Ниттил мазурдил тагъардив хЛакьину паимансса дур. Иш мужун багълай бурхха, ниттил мазру литІун буллалими хъьичІва-хъьичІ цивпта ниттихъул бур. Ппу акъар, ппу даврий икІай ва оьрчІащал ичІува чанну икІай, школа бакъар, школарттал цалвами къайгъурду биялсса бур, ниттил мазурдил ЕГЭ-рду дакъар. Кулпатгу бакъар, личИ-личИсса миллатирттат таиурду бикІайну тИий. Гъамин нинур ниттил маз бивчІан буву. Аввамсса, къухънасса, аькьлу бакъасса ниттихъал ниттил мазрай ххира буллай бакъар оьрчІру, «мамина», «мамин», «дай», «принеси», «что бы делала я без тебя», вай гъарзат оьрусрай тИий бур. Бакъар гихунмай маз ишла буллалисса кюру, нину, телевизор, мультикро, садик, школа, кИчІиравалу багына хъуну, оьрчІру махІрум хъанай бур азалийсса аьсрурдай ппухълу гъалгъа тИий бивкІсса мазрая. На ттунма кІулсса ца хъамитайпалун маслихат бувссия, яру маз къакІулну бухъуекун оьрчІан, оьрчІансса яру мазрайсса спектакльданнин бивуцуну бухъуе, уквасса билетругу булунна кунуча, ламус хъанайсса чІуний бакъача, сайки пахрулий кунма увкуна, цил оьрчІан ниттил маз къакІулсар куну. На увкуссия, «Чакмаби ретІараб кету» («Кот в сапогах») спектакльданнин бивуцуну бухъуе оьрчІру, ва дунияллул классика яру мазрай таржума бувсса, агар ччарча, оьрус мазрайсса таржумагу (синхронперевод) дуссар, оьрчІан ниттил мазрайсса гъалгъавагу баллансар куну. Ялагу маслихат бувссия Ярусаннал театрду оьрчІансса, оьрус мазрайсса «Похищение зимы» тИисса спектакль ххал буван, ва репертуарду политикка хЛисаврайсса спектакльли, ци бухъурчагу, миллатир театрди, маъирлуьгал чІалаь бухъуекун, бикІанхъуви, бучІанхъуви тИий ура. КъабукІунни. Ва кулпатрал миллатрал театр санбакъул бунни. Зу тамашачитал чанну бусса ххай мабикІару, жучІа кувний билетру бирин хъабитай, гъантлул хъьичІва хъамала буву. Ттул ихтилат цаппара кулпатирттат ниттил мазрая оьрчІру махІрум буллай дуллалисса оьшвирияр.

РяхІгалулкусса шиннарди Дагъусттаннал партиядул вакилтурду ичІува ниттил мазру къакІулишу модалувун дагъуну, оьрус мазрай ичІува ихтилат бусса. Ца хъун кьуллуьгчинал царссанил, цилва оьрчІру лугъат бакъа, марцІну, ххуйну оьрус мазрай гъалгъа тІунишврул, ичІура зунсса царсса оьрус миллатралсса дургуссия, ххуйну оьрус мазрай гъалгъа тІутисса дунугу, Дагъусттанналми хъами кьамул къадурну. Гъай-гъай, вайннал оьрчІал марцІну, лугъат бакъа оьрус мазрай гъалгъа бувайссар, амма цалва тум, нясав къакІулссар. Буруччара оьрчІру ниттил маз бивчІан буллалисса ниттихъая, оьрус маз къалавхъуну зул оьрчІру кьаличІантИиссар. Агар зу зулва оьрчІру ппухълуннал мазрая

Бусияра зулвами пикрирдугу

«Ниттил мазру литІун буллалими ниттихъулли»



Сурат: instamam.ru

махІрум буварча, ялун нанисса никирттат зун багъишла кьабитантИисса тахсирди.

МахІаммад БИСАВАЛИЕВ

Гъунар бусса чичу, журналист, Ярусаннал театрду директор МахІаммад Бисавалиевлул цинявпагу миллатирттат мазурдийн багъагысса агъамсса масъала гъаз буллай ухъувкун, учиннуча, гъар миллатрал «ччурччу дикІуйн цІу бичлай» ухъувкун, жу хІукму буварду ва тема жулвамур кказитрайгу ххал дигъин. Ярусаннал миллатрал мазрай «накЛил маз» учайхъурча, лакрал тІайланма «ниттил маз» учай, лакралмур мазрал тагъар ярусаннал ва цайми мазурдияр цахъис ххишалану пашмансса душивугу найбунува хЛисаврайн ласунну. Най бунува кИчІ лаганна, навагу ттула коллегал увкумуницІун бакълай бушиву. Дурусну ца зурул хъьичІ, Телеграм-каналданнийсса пострай чивчуссия нагу, нава лакрал лакку маз кьабитлатаврил цІуцІаврил бивгъуну бушиву. «Кувний ттун лакку маз къакІулминнайн лаквагу учинччан кьабикІай» тИисса ххуттал цІаний лахъунтту буллай бивккунна. ХІатта нава кІукІлуну, ттунгъасса калимарттах луглай чивчусса текст бивкІхъурчагу. Ва кИчІ лавгсса бьаст-ччаллийсса ихтилатрал ппурттугу, вагу, кІагу, лакку маз къакІулнугу, яла лаваймур даражалул лакри тІутинахъ, кьанкьану бакъар тІий кьалхану дурккун кьабачІаврихлу. Ца мукъуйну учин, хъхарашиву дуваврихлу. Ва кІанугу хЛисаврайн лавсун, барчаллагърай бура Бисавалиевлул, жулва зумувмур, дакІниймур сивсуну учаврихлу, пІакъ учинну битаврихлу. На кьасисинтИиссияв, «Ниттил маз литІул ниттихъулли» куну, жям буллалисса лишан дишингу. На бюхъайссия цІуххаврил лишан дишин, ниттил мазру литІун битлай бур ниттихъул куну кІукІлу лаган буван. Ва учин мукъунна тІутИисса. Масалдаран, лакку мазрай аьтІутИиссару, дакІуцІуцІаву дуну буссару тІутИисса хорду бикІай социал

сетирдай. Подпискамур жун инсантурахъ, зулва ппухълуннал мазрайсса кказитрал подписка дувараяртал тИий, миннатру буллай дузал дуван багълан бикІай. Ттул хъунмасса умуд бур, ва ихтилатравух лакку хІала буххансар тИисса. Бусияра зулвами пикрирдугу.

Алексей ХІАЖИЕВ:

– МахІаммад Бисавалиев ур иширайну тагъар даххана дуван ччай, ци савартту дуссаривугу кІулну, гай духлаган дан ччай. Жуварив бикІару ччуччисса мазру ххюкку буллай, маз бухлагария нахІулсса хаварду буслай, лагантту дуллай, бюхъайссаксса лахъи лаган дуллай маз ябай байрантру. Гайра гай ниттихъулли «нахІушиву, нацІушиву мазрал» тИиссагу. Бисавалиевлул тІутИмур ниттихъан тІааьн бизай бакъар, цала зумуну аьнтну чичлай ур. Цуксса тІааьн кьабизансса бухъурчагу, ниттил мазрал хЛакьинусса тагъарданул хЛакьмур хъьичІ ххуттайн ласлай ур, ванийн вари тИий ур. Ниттил мазрая оьрчІру махІрум бивминнай рахІму кьабуллай ур, тІайламур кьамулну бакъар мунашчал къарязиминнан.

Бадиулжамал МУСИЕВА:

– Нагу буккав Бисавалиевлул чивчумур. ВичІи дишав видеорттаху, пикрирдаху, бьаст-ччаллу, кьаччан бикІавуртту, ссбивзсса кІанттурдугу бия мунил хЛакьираву хъусса. Мигу нахІакъданссар тИиссара. Бисавалиевлул чивчумур гъарца зат тІайлассар тИиссара! Цанчирча, дакъар багъайсса куцуйсса тарбиялул даву кулпатирттату. ХъьичІра куннасса. Учителтурал хІурмат дуклаки оьрчІачІа хъинну ялавайсса даражалий бур, бувагу бакъар кьаучин. Шаппа нитти-буттал цала оьрчІай ци тахсир, аьй дунугу, ми марцІ-кІяла буллай, учителтурайн «биллан» махъунмай бакъар. Ва цинявнан чІалачІисса иш бур, цумурчагу школайиугу, шагъуррдайгу, шархъавугу бала-мусиваттисса (цаппара иширттаву хъинну хІаллихсса дунугу!) вай телефонну ва смартфонугу хъинну

дахчилай дур оьрчІахун тарбиялул давриву. Ниттихъайсса аьйри цукун кьачиви, чун гъарчагу – сайрданий кИчІиравун бикІу, паркираву бикІу, скверданува скамейкалийгу буссар жагъилсса ниттихъул, дулуну мюрши оьрчІахъхъун телефонугу, цивпагу мукума интернетравун бивххун «бигъалаглай». Шаппагу мува иш бухъурча, маз тари, цукунни лахъхъинтИисса оьрчІан? Гъаксса жула мазурдиха зузисса аьлимтурал батІавурттугу хъунни, конференциярттугу, «Илчи» кказитрай биялсса статьярттугу бивкксия мазраха зузисса аьлимтуралгу, хІурмат лавайсса Качар Абачараевнал, ттула ссил Эльдарова Розал чивчусса, учителтуран мюнпатсса, миннуятугу биялсса хайр хъунссия дакІ цІий цала даву дачин дурминнан. Ниттил накЛищал, мюрши-ну бунува оьрчІащал нину гъалгъа кьатІий, цила чІун ссанчІав дакъа интернетран хас дуларча, бакъассар яла жула ххаллиссса ниттил маз.

Саидат КЪУРБАНОВА:

– Буккав мунал тІутИмур, буврвуга, вичІи дишав вара тема аьч дуллалисса видеолуху: Бисавалиевлул ва журналист Рамазан Рабадановлул ихтилатрахъ. Ванал тІутИмур бивххун бур цаппараннал дакІурдийн. ТІайлану аьй дуллай ур, «авлиясса» тИисса диагнозугу дирхъуну мукунсса ниттихъай. Туну, цукунни учин аьркинсса, «ттул оьрчІан ниттил маз кьааьркинни, кьалахъхъин булланна, чувчІав аьркин кьахъунтИисса маз» тИисса ниттихъайн духІин дакьулт кьаувкуну? Вай жува муданма тІутИисса махъру бур. Амма жулва мазру ябаврил ялвусса ахир дакъасса гъалгъардая ва иширайну маз ябансса чаранну ккаклай ур. Ттун ххуй бивзунни ванал видеоллийсса оьвчаву: Дагъусттаннал мазурдил бучІантИмунил ялв буруккинттарайсса инсантал ттуцІан театрдувун бухъхъияра тІайланма, жува циняв ца хъуну, шалвагу Дагъусттаннал аьгалинал цІанияту чичинну ниттил мазрал дарсирдал экзамен, ЕГЭ тІалав дуллалисса, школардай ниттил мазурдил дарсирдан сьятру гъарза дувар тИисса тавакью буллалисса оьвчаву. Лакку мазрал ккуранну дур, группарду бур. Вай группардал админтурахъ, мийжаннугу лакку мазрай аьтІий бухъурча, ва Бисавалиевлул тІутИмуницІун бавкьуну, оьвчавриву гьуртту хъияра тІий бура. Чачунмай бивкксар жун ниттил маз кьааьркинни, кьалахъхъин булланну тІутИисса жагъилсса нину-ппу? Ми жулва оьрчІру бакъарив? Аьй хъьичІра-хъьичІ жуйра, жула хъунмур никирай душиврийгу мукІру хъун аьркинну. Цуксса кьурчІинугу, жушавар кьавхъусса жулва оьрчІан ниттил маз лахъхъин буван, чара бакъа лахъхъин аьркиншиврий дакІ дацІан буван. Уттивугу бакІрай бавцІуну, гъалатІру

тІайлабацІан булан аьркинну.

АьтІикат ХАСМАХІАМ-МАДОВА:

– Гъакссагу тІайлар, га ниттил накЛищалва оьрчІащал ниттил мазрай нину гъалгъа тІурча, маз оьрчІан тачІав хъамакьабитантИиссар. Ниттихъай аьй дуллалаву хъинну тІайлассар. Бисавалиевлул хъинну агъамсса тема гъаз дурунни, мюрши миллатирттат культура ва мазру бухлагарай, муруллул мицІлийн бивну бушиву буслалисса. Дагъусттангу, жула миллатирттат культурагу, мазругу ябансса шартІру ляхълай, ванал цала ихтилатрал махъ дуллусса предложениядуцІун бакълай бура нагу. Буниялттунгу лакрал группардал админтал цацІун хъуну, лакку мазраха зузисса махъ бацІаймигу (лингвистьтал, методистьтал) БисавалиевлулчІан гъарча хъина. Школарттат программардай ниттил мазру лахъхъаврин дуккавил сьятру ххи дан, ниттил мазурдил ОГЭ, ЕГЭ чара бакъа дулан аьркиншиву тІайласса тІалавшинни тІий бура. Цал уттигу чІурчІав дуван, ниттил маз лахъхъаврил гъану хъанайссар нинугу, кьатлувумигу цала мазрай гъалгъа тІутІаву. Ялагу, нитти-буттан кьакІулсса чил билаятирттат мазру чІявусса жулва оьрчІал марцІну гъалгъа бувану лахъхъуну бур, цаппарассаннангу бивкин-чичин, махъ бусан, жаваб дулун лавхъхъуну бур. Укунма учителтураша лакку мазгу лахъхъин буван хъунтИиссар, агарда учитель дакІгу, рухІгу цала мазру дирхъусса, миллат ххирасса ухъурча. Масалдаран, МахІачкьалаллал 16-мур школарий зузисса ПатІимат Аьлиева кунмасса, «Илчилул» редакциялийсса душругу, ина, ПатІимат, Андриана, Бадриджамал, Имара, Залму, Зулайхат МахІачкьалаливсса цаппара школарттай дарсру дихъларча, биялсса лаккуоьрчІан ниттил маз ххирагу хъуну, марцІну гъалгъа бангу лахъхъинссия.

РайхІанат ХІАЙДАРОВА:

– Жулва тарихраву тачІав кьархъуну дур хЛакьину кунна, лакрал лакку мазрай баччибакъулишу дуллалисса, ниттил маз сан кьабуллалисса чІунну. Чансса бакъар лакаву бувагу лакку маз кьакІулсса, амма цив лакру тИисса инсантал. КьабучІир жулва аьзизсса ниттил мазрай ва кьини дуккан дитан. Мазри миллат цашиврул яла агъаммур лишангу, миллатрал лажингу, ххазинагу. Бисавалиев тІайлану тІий ур. Укунсса журалий бакъа кьабувчІай жула инсантуран. Лакку мазгу, циняв Дагъусттаннал мазругу ябансса шартІру ляхъин аьркинни. Ми давурттугу дикІан аьркинни биттур дан шайсса, мюнпатрайн дуккансса. ДукІугу ниттил мазрал дарсирдал ялв батІаву



Шалагу Аьрасатнал «Диалоги с Героями» проектрал лагрулий КӀундиннал дянивмур даражалул школалул 1-11-ми классирттал дуклаки оьрчӀру ва учительтал хьунабавкьунни СВО-рал гьуртгучи, ва школалул выпускник Массуев Казбек МахӀаммадул арсначал. Ва хьунабакьаврил сиптачину хьуна КӀундиннал дянивмур даражалул школалул директор Абакар Гуйдалаев.

КӀундиннал шярава СВО-рай гьуртту хьанай уссар цимягу жагьил, вайннавацца цагу – сержант Казбек Массуев. Ва кьини ванал ва дуклаки оьрчӀал дянив хьусса ихтилатру бия ватандалиясса, ватан ххирашивриясса, гьарцагу инсаннал цанна нитти-буттал дуллусса цагу, фамилиягу шяв дагьан кьаритансса хӀарачат бикӀан аьркиншивриясса. Казбеклухьун оьрчӀал буллауна личи-личисса суаллу, вайннувацца цагу бия талатаврил майданнив нигьа услайгу икӀарав, шцах бикӀайрив тӀисса. Ва суалданухьун Казбеклул увкунна:

– Яла нигь-шцах дутлатимур кӀану – му ца кӀункӀурдува дукра канакисса аьралий дулталгу кьабивтун лихьавур, – куну.

Гихунмай Виричувнал бувсуна аьралий кьуллугьрай усса чӀумал ва цӀана СВО-рай хьусса личи-личисса иширттая.

Ихтилатру бувна школалул учительтуралгу, шяраваллил общественниктуралгу.

Увну ур Казбек 1994-ку шинал КӀундиннал шяравасса МахӀаммадул ва Гьумучатусса Светлана кулпатраву. КӀундиннал дянивмур даражалул школагу кьуртал бувну, Казбек лавгун ур аьралуннаву кьуллугь буван. 2017-ку шинал, контрактту чирчуну, лавгун ур Дальний Востокрай. Уттигьаннунин кьуллугь буллайгу ивкӀун ур Хабаровский 64-мур личисса мотострелковый гвардейский бригадалу. СВО-райсса гьурттушинна хьанахьиссар Казбеклул цалчинсса аьралий опыт.

Жула вирттал

«Вирттаврацалсса ихтилатру» КӀундиннал школалий



Казбек лайкь хьуссар «За отвагу» медальданун.

Хьунабакьаврийн Казбеклушчал архӀал бувкӀун бия ванал кулпат Фатимагу. Дуклаки оьрчӀал ванихьунгу буллауна



суаллу. Вайннухьунсса жавабру дуллайна я ваниша цищара, я ваних вичи дирхьуминнаша макь дугьан хьанай дакьая.

«Диалоги с героями» проект зузи дурну дур «Роспатри-

отцентр» ФГБУ-рал 2016-ку шинал. Ва проект 2018-ку шинал «Машук» форумрай ккаккан дурессар Аьрасатнал Федерациялул Президент Владимир Путиннун. Ванал, ванин ла-

вайсса кьиматгу бившуну, кӀиц лавгссар проектрал лагрулийсса личи-личисса хьунабакьавурттая махьа нанисса ник тарбия давриву хьанахьисса хьунмасса мюнпат.

– Вана укунсса, жулва ватанлувтурал сагьсса, яруннил хьхьичисса мисаллайнур хӀакьинуссагу, ялунсса чӀумувуссагу никру тарбия хьанахьисса. Ванивур чӀири ватандалул гужгу, жулва бюхттулсса хьунмасса Аьрасатнал гужгу, – увкуссар га чӀумал билатрал Президентнал.

Жулва жагьилтурал цанна чӀиримур ва хьуннамур ватан ххирашиву паракьатсса аьршарай, някӀсса ссавнил лув хьхьичӀунсса дуккаврийну ва захӀматрайну чӀалачи дуллалисса кьини чьясса мутталий дучӀаннав.

Бадрижамал АБЛИЕВА

Бусияра зулвами пикрирдугу

«Ниттил мазру литӀун буллалими ниттихьулли»

→ хьуссия ДГУ-луву, учительталгу бавтӀун, яла чагьар чивчуссия хьуниминначӀан ниттил мазрал ссятру чан дан кьабучишиврия. Ва даву дурессия ДГУ-лул, Ниттил мазру лахьхьин бувайсса центрданул каялувчи Марина ХӀасановал сипталийну.

ПатӀимат АБЛИЕВА:

– Агарда ниттил мазрал ОГЭ-рагу дарча, ххари хьувияв. Хьинну хьунмасса кумаг хьунтӀиссар, цанчирча, га дулуншиврул, нину-ппу хӀарачат буллантӀиссар маз лахьхьин ва оьрчӀан лахьхьин буллан. Амма хьунмасса захӀмат бишин багьантӀиссар хьирив буклай, миллатирттавусса язими цачӀун хьуну. Миллатирттал мазурдихсса ччавугу дусса,

мазру ябансса чаранну лякьин хӀарачатрайсса инсантурал хӀарачат буварча.

Гьазихан РАМАЗАНОВ:

– На цӀанакул МахӀачкьалалив 42-мур школалий музыкалул учительну зий уссара, хьхьичӀва 26-мур школалий зий уссияв Сепараторный поселокрай. Гьаши-ну 40 шин хьанай дур учительну зий, Гьумучиял школалий зий айивхьуссара 1983 шинал. Сепараторныйлийсса школалий чӀявусса лаккуоьрчӀру бикӀайва, на ми гьарца байрандалиин хӀадур буллан икӀайссияв. Кружокру дуссия. Агар оьрчӀ-душ хӀалану бакьахьурча, нину-ппу, ттаттабавахьул букӀлан бикӀайва, жулманавугу ци гьунар бурив ххал бувакьай, жулмагу хӀала уххан увакьай тӀий. Лакку мазгу, лакрал

балайрдугу, макьаннугу кӀулну дикӀайва оьрчӀан, 4100 оьрчӀ ур жул школалий хӀакьину, шанма куплет балайлул учин кӀулсса шама оьрчӀ акьахьунссар. Лакку маз лахьхьин гьира бусса бакьар. Нава дакӀицӀаврий лакрал оьрчӀал ялув авцӀуну икӀара, цӀухлан икӀара, ина цумур шяравасса ура тӀий. ЧӀявуминнан цала нину-ппу цумур шяравассаривагу кьакӀулну бикӀай. Мукуна цӀухлан икӀара, Муса Маннаров, АхӀмад-Хан СултӀан цуричӀуллив тӀий, кьакӀулну бикӀай. Лакку мазрайсса передачартту чӀяру дуван аьркини.

ХӀажимурад САЙДИЕВ:

– Жува ниттил мазру кӀулсса махьра-махьмур никру. Ялун на-ниминнан кьалахьхьинтӀиссар.

Кьурбан ХӀАСАНОВ:

– Бисавалиевлул учиннин жувагу кьакӀулну бакьару ниттил мазрал иш-тагьар кьулайсса дакьашиву. Жунма кьакӀулсса ци увкуну бур мунай? Ссуг дунни ниттихьайн. Шалва гьунар ссуг дувавурич, ссугрурич журналистнал, агьалинан культура лахьхьин дуллалисса театрдул директорнал даража? ШӀил дуллуссар мунахьхьун, ниттихьул кьукьин буллай, «глупая, тупая, дура» тӀунсса ихтияр? ХӀакьину чӀявусса ниттихьул кулпатрал маэшатралсса буллай, багьтӀат хьуну шаппай букӀлай бур, оьрчӀахь зума бахьансса хӀалвагу бакьа. Ниттихьални-яр мажал бусса ппухьлугу бур. Амма миннайн «дурак» учинма акьар. Хьаннийн дявван бигьархха.

Равзат КЬУРБАНОВА:

– Ниттил маз лекьашай чирахьну ччарча, чирахьрачӀансса ххаллаха, гьармуниха байсса хӀурмат мазрахагу буллан аьркинссару. Сситтул букан тийнмай кьабивхьуну, ишла буллан, гьалгьа тӀун. ИчӀува, кӀичӀираву, садикрай, школалий бакьасса маз чув лахьхьинсар? Лакку маз кьакӀулний, кказитгу ссан аьркинну чичинссар, театрдувунгу ци дуллан гьанссар? Лаккуйсса садикирттайгума оьрус маз бур. ХьхьичӀуннайшивурич? Гьайгьай! Амма оьрус маз бюхттул буваншиврул лакку маз ччанналун буллан аьркинссарив?

Ххирасса буккулт! Бусия-Хра зулвами пикрирдугу. Циняв ца зумату кунма, лакку маз бухлаган най чӀалай бур тӀий бур. Бухлавгун ччиссагу нажагьсса акьар. Му буруччин, бивчӀан кьабитан ци дуллан аьркинссару?

ПатӀимат РАМАЗАНОВА

Жула вирттал

Бусалардавун агьсса шама снайпернавацца ца

«ЯАллагь, ва Щусса шинаву жула Заурбаг занаву куакканнав», – чIа тIий бия АхIмадхановхъал кулпатравусса мюршмигу, хъунимигу 2023 шин хъунадакълай. Укунсса чIа учавришалсса видео тIайла дурккун дия цацIанна ЗаурбаглучIангу. Амма Щусса шинал цалчинсса гьантрайва вайннал кулпатрал ялун бивуна лухIисса хавар. Къадирунни ЗаурбаглучIан арсенал Аьлил ва душнил Залинал чIа учавуртгашалсса видеугу.

«Вагнер» ЧВК-луд «бусалардавун агьсса шама снайпернавацца» хъунама бити Аьлиев Заурбаг Аьлиллул арсенал чувширий жан дуллуну дур ноябрьданул 8-нний Сириянал аьршарай дуняллул халкъуннал дянивсса террористьтурайн къаршисса операциялуву интернационал бурж биттур буллай. МукуцIалла шинавусса аьраличувнал махъливчIунни ххюлчинмур классравун заназисса арс ва мукьра шинавусса душ.

КIива зурул мутгалий Загьидат ва Амучи АхIмадхановхъул зий-занай бивкIун бур арсна цукунчIавсса хавар бакъа.

Дунял тIитIин увсса вайннал хъунама арс, Заурбаг, вихшалану ва кулпатрал ттарцIну хъуну ур так ца цала ниттин ва буттан акъасса, ниттил, Загьидатлулми, буттан ва ниттингу. Ккуллал шяравасса Аьлил ва Саидатлул кулпатраву бикIанмагу бусса оьрчI ца Загьидат бивкIун бур. ЧIарах уссу-су бакъасса, так ца душний дунял дарцIусса ванил буттал, Аьлил, цалла фамилия дялирчIун къаччай, тавакью бивну бур душнихъ арс цайва чичара куну. Та ппурттуву Монголиянаву аьралий бурж биттур буллалисса ласнашал къатIаллил билаятрайн гьан багълай бухъувкун, душнилгу манешиву къадурну дур.

Ва сававрай, ряхва класс букиннин Заурбаг ялапар хъанай ивкIун ур Ккулув ниттил ниттичIа ва буттачIа. Заурбаг хъуну ур ттаттан ва амудадан итгавсса ляълужавгьар, чIалачIин къадиркIун дур ванаха маччагьанцириннангу.

7-мур классравун Заурбаг лавгун ур МахIачкъала шагьрулул 38-мур гимназиялий. 2004 шинал хъьичIунну къуртал бивну бур Дагъусттаннал паччахIлугьрал технический университет, хъуну ур чяхир даврил технолог. Университет къуртал байхтува цала хушрай лавгун ур аьралуннаву къуллугъ буллан. Аьралий бурж лахълай ивкIун ур дазурду дуруччултрал аьралуннаву, цIубутIуй – Анапа шагьрулий, яла – Новая Земля жазиралий.

Аьралуннава занаву шайхату зун увххун ур МахIачкъалалал чяхирду дай заводрай. ЧIун чIарах къадурккун, ванал пишакаршиврул даража куаккаврун, ивтун ур коньяк итадакълаймур цехрал каялувчину.

КIулминнал дакIнийн бичавурттайн бивну, Заурбаг ивкIун



Заурбаг Атаев Украиннай. 2014 ш.



ур чIивинияцава личIуллсса, къаст лархIусса. Чув ухъурчагу ванал бюхъу-бажарданий хIайран къашайсса къаикIайва тIар. Школалий ванайн учайсса бивкIун бур «хIисавртту дукай» Заур, куну шишачIав дан къашайсса хIисавртту ва задачартту янил ляпI учиннин бувайну тIий. Заводрай – «компьютер Заур», ванал кушцирайн дурцуну диркIун дур компьютерданий тани шишачIав къахъанахъисса коньяк дутIаврил программа.


«Заурдуйн гьарца кIанттайн оьвтIий бия программистну зун, тай шиннардий жучIава бялну бакъая айти журалул пишакартал», – дакIнийн бутлай бур Загьидат. – Оьрмулува тIурча, лавгунни «бусалардавун агьсса шама снайпернавацца» язисса хIисаврай. «Вагнердануву» вайннайн учайсса бивкIун бур «легендарная тройка - лучшие снайпера», цайнгу позывной шарду диркIун дур Зорик (Заур), Перлит (Красноярский

крайраясса ва Джерт – Ярославраясса). Шамагу ивкIуну ур мина пIакъ увкуну. Заурбаглуд дакI мударгу аьралий пишарахуларгун дикIайва, ххирая ярагъ машин ласлан».

2014 шинал, Чяхирду итадакълай заводрайсса цала пишагу къабивтун, контракт чирчуну, зун увххун ур Росгвардиялувун.

аьралий операция байбивхъусса цалчинсса къинира Заурбаг къуллугъ буллалисса подразделение тIайла дурккун дур Ливиянава тихун.

«Апрельданий, шаву дирну увкIун, хъин хъанай уссия Дагъусттаннай. Июньдалий, цув игьалаган наниссара тIий, жухъу шялмахъ бивсун, цIунилгу



Малилий. 2022 ш.

Щанихсса битултрал ххуттай ивкIун ур. Ряхра шин Росгвардиялийгу дурну, контракт чирчуну дур «Вагнер» ЧВК-рашал.

Аьраличувнал ххуллу Заурбаглуд язи бивгъухъунссия Сталинградлул дьявиль тай ивкIусса цала буттал буттал, АхIмадханов Аьли АхIмадханлул арсенал, ва къуния урчIра шин Ватан дуруччултрал къюкьраву зий дурсса цала буттал, Амучи АхIмадхановлул даву дяличIан къаританшиврул.

Совет аьралуннал хIаписар, Амучи АхIмадханов, Аьралий училище къуртал бивну махъ, ххюра шинай къуллугъ буллай ивкIун ур Монголиянаву, кIира шинай – Балаковоллий. Харьковрай Аьралий академия къуртал бивну махъ къуллугъ буллай ивкIун ур Къзахъисттаннай аьралий часьтIал хъунаману. СССР ппив хъуну махъ, Дагъусттаннайн занаву хъуну, зий ивкIун ур МВД-лул структурардай, пенсиялийн увккун ур 2005 шинал подполковникнал чиндалулу.

«Вагнер» аьралий компаниялуву къуллугъ буллалисса манзилданий аьралий буржу биттур буллай ивкIун ур Сириянаву, Африканаву, Ливиянаву. Лайкъ хъуну ур вай билаятирттал паччахIлугьрал наградарттан.

Украиннал аьршарай хасьсса

лавгун ия махъунай Украиннай. КIилчингу шаву дирну, шийх хъин хъанай уссия. ЦIунилгу тихунай гьан ччай, командирнал вай шамагу тIайла увккун ия Сириянаву битаврил инструкторталну. Командирнал бусаврийн бивну, Украиннай вай шамуналагу хъирив багъну бусса бия. Амма ажал хъирив най бивкIун бур. Тийх къалитIуншиврул, Сириянаву гьан увсса шамагу цIанихсса снайпер цал архIал миналий пIакъ куну лявкъунни», – тIий бур Загьидат.

Украиннал аьршарай нанисса хасьса аьралий операциялий куаккан дурсса къучагъшиврухлу Заурбаг лайкъ хъуну ур медальлан: «За отвагу», «За взятие Попасной», «Вагнеровский крест» (Чувшиврул ордендалушал архIал дарцIусса «Вагнер» ЧВК-лул награда), куаккан увну ивкIун ур Чувшиврул ордендалун. Амма ларайсса награда дуркIун дур Заурбаг ивкIуну махъ.

Ссаха зурчагу, Заурбаг ччяни итталун агьайсса ивкIун ур. НахIакъ къаучайхъунссия ванайн «компьютер Заур» куну. Цумур ара ласурчагу, гьарца кIанттай Заурбаглуд тIайлабацIу хъунмасса бикIанссия, агарда Ватандалул ххуллий жан къадуллуссания.

Зулайхат ТАХАКЪАЕВА

Жижара



**РАМАЗАНУЛ АРС
МАХАММАДОВ
МАХАММАДА**

Вай гъантрай лавмарт-сса бивкӱлудл 56 шинал оьрмулуду жуятува личи унни, 1-мур Цувкӱратусса, жяматра-ву бусравсса Рамазаннул ва За-лиххал арс Махӱаммадов Ма-хӱаммада. Ва ия хьинну итхьяв-хсса, ци касму канил дугьар-чангу, даву цила кӱанийн дур-тун чулийн дуккан дуллалисса, дакӱнил сахаватсса, инсантура-ву авкьусса, мачча-гъаннал, ду-стурал чӱарав ацӱан чялиш-ну хьхичӱн уклакисса хасия-трал адамина. Махӱачкӱалалив школа кьуртал бивну махь, Ккарччал духтур шай-сса техникумгу кьуртал бивну, Махӱаммада зий уссия Кьа-захстаннайсса Атырау (Гурьев) шагьрулий ккарч-чал духтурну. Махьсса шин-нардий тӱурчан, цала бут-тал ва буттауссурваврал кун-на, ссяткарнал сянат лархь-хьуну, шагьрулул комбина-трай зий уссия. Ванал цу-вагу, уссугу шьябивкӱсса ма-стерскойлул ца чӱира шагьру-лул администрациялулгу, про-фсоюзралгу, цаймигу личи-личисса идарарттал чулухас-са грамотарттал, барчалла-гьрал чагьардал буцӱин бивну бур. Чил билаятрай 50-хьул шиннар-дий захӱмат буллай ивкӱсса бут-тал, Рамазаннул, бусрав-сса ца Махӱаммадалгу хьинну-ра лахь дурессар. Гьурбат чир-чангу, кьзахь миллатрал дя-нив ца уссушиврий ялапар хьа-най уссия.

Чичрулун чаран бан кьа-шайссар учайхха, хьин ду-ван кьашайсса азарданул, ар-нал, уссурваврал ци хӱарачат барчангу, ххассал уван кьав-хьунни. Гьармуниву итхьяв-хсса Махӱаммадаша, цала ххи-расса кулпатрашал Эльмира-шал, ларайсса кӱлшивугу ду-луну, оьрчӱ ва душ лайкь-ну чивун буккан биван бюв-хьунни. Ххаллилсса кьатта-кьуш Атырау шагьрулийгу, Махӱачкӱалаливгу шаллу бун-ни. Яхӱлувсса, мукьуй цӱу бу-сса, хьярч-махсаралий хавар бу-ссайсса, дакӱ тӱиртӱусса, инсан-шиврул увччусса чувнал цӱа махьнан кьариртун аьпалу-хьхьун лавгунни.

Аьпа баннав цал, гьав нурда-нул дуцӱиннав! Ванан кьабуллу-сса оьрму арснан, душнин, кул-патран ва мачча-гъаннан бу-луннав.

- Насу, уссу, насу,
- тти алжаннавун,
- Цикссагу цӱанихсса
- виртгаврал ххулийх,
- Чичрулун чаран бан
- кьабювхьуннича,
- Бухлавгун биявхьур
- оьрмулул кьисмат.
- Архсса шагьрулия
- ссайгьатиртгашал,
- Увкӱн нуз тӱитӱиннин
- душ ялугьланссар,
- Вихь цӱухху-ккакку бан,
- ина кьаляхьлай,
- Арсгу кьазразанну
- луглай зананссар.
- Буттал ва ниттилгу
- дакӱру гьаргьунни,
- Вих аьтӱий ссил итгав
- макьгу кьаркьунни,
- Анавархьиндарай
- хьхьичӱату лавгун,
- Абадлий увххунна
- ниттил кьюкӱливун.

- Хьару гьаргьун ливчӱсса
- ттул ссу, инагу,
- Ссавурданий бацӱу,
- аьсив машара,
- Оьчӱгу, душгу тти вил
- хьаруну хьунссар,
- Цуксса захӱматнугу,
- оьрмулийх бачин!

**Цалчинмур Цувкӱлудл
жяматрал цӱания
Супиян ОьМАРОВ**



**ОЬМАРИБУТТАЛ
ДУШ
АЬДУЛХАЛИКОВА
(КЬАЛЛАЕВА)
АЬИШАТ**

Цаппара хӱаллай кьашавай шанийгу бивкӱн, оьрмулул 82 шинаву жуятува батӱул хьун-ни Карашрал шьяраватусса Аьб-дулхаликьова Аьишат Оьмари-буттал душ.

Бувссар Аьишат 1941-кусса шинал Карашрал шьяраву. Цал буттал шьяраву мьяйра шинал школагу бивккуну, яла Гьум-мук кьуртал бувссар ацӱра ши-нал школа. Муния махь ванил

бивккуссар бухгалтертал шай-сса школа. Цуппурттуй зий бивкӱссар Карашрал К. Марк-слул цӱанийсса колхозраву. Му-ния махь Гьумукун бивзун, ва-нил хьунмур оьрму лавгссар Ла-крал райондалул центрданий, кӱикку личи-личисса кьуллугь-ирттай зий ивкӱсса цила лас Жа-малуттиншурал архӱал. Аьишат зий бивкӱссар Лакрал районда-лул ххуллурдал участокрай, рай-ком партиялул бухгалтериялий, Лакрал банкирал бухгалтерну.

Цила жяматрал ва шалагу Лакрал райондалул агьалинал дянив Аьишатлул сий ва хӱурмат мударангу лавайну бивкӱссар, цил-ла даву ххаллилну кӱулсса пиша-кар хӱисаврайгу, лайкьну хьамал лахьан кӱулсса ласнал кулпат хӱисаврайгу, аькьлулул бувччус-са, дакӱ-аьмал уздансса зунттал хьамитайпа хӱисаврайгу.

Аьишат аьпалухьхьун лагав-рил дард-хажалатгу кӱидачӱлай, дакӱнийхтунусса жижара буллай буру душнихь Лаурахь, уссур-ваврахь, ссурваврахь, вайннал оьрчӱлахь ва махьсса циньявпа-гу гъан-маччаминнахь.

Аьишатлул рухӱ рахӱатний дишиннав, цил бунагьирттал аьпа баннав!

Карашрал жямат



**МИРЗАЛ ДУШ
АХИМАНОВА
КАЛИМАТ**

Лакхисса хӱаллай кьашавай-гу бивкӱн, оьрмулул 86 шина-ву аьпалухьхьун лавгунни Гьуйн-нал шьяраватусса Мирзал душ Ахӱманова Калимат.

Калимат бивну бур Гьуйн-нал шьяраву. Чивину бунува

зий, захӱмат буллай бивкӱн бур колхозрал давурттай. Махӱачкӱалалив бивзун мукьах чӱярусса шиннардий, пенсия-лийн букканцӱа, зий бивкӱссар Сепараторду бай заводрай. Цила лас Нуруллагьлушал архӱал, хьу-нигу бивну, чивун буккан бувс-сар ххаллилсса шама арс ва ца душ.

Хӱалимат буссия гьарца чулу-ха бювхьусса, ас-намус лавайсса, дакӱ-аьмал авадансса хьамитай-па, оьрчӱангу аякьа ххисса нину, ласнангу лайкьсса кулпат.

Хӱалимат ахиратрал шав-рил пашманшивугу кӱидачӱлай, дакӱнийхтунуса жижара буллай буру ласнахь Нуруллагьлухь, ар-сурваврахь Загьидинахь, Мурад-лухь, Рустамлухь, душнихь За-ремахь ва махьса шалагу агьлу-авладрахь.

Цил бунагьирттал аьпа бан-нав, рухӱ бигьаний дишиннав, махьнал оьрмурду лахь бан-нав.

Гьуйннал жямат

**Ризкьы бувччусса
кӱанттул лагма
чапар дикӱан
аьркинссар**



2023-ку шинал де-кабрь зуруй, прокуратуралул тӱалавшиндарайн бивну, Дагьус-ттаннал Россельхознадзорда-нул управлениелул, кӱантту-кӱанттурдайн лавгун, планда-лул кьатӱувсса ххалбигьавурт-ту дунни. Вайннал ххал бун-ни лахьай азарду (сибирская язва) диркӱсса гьаттара бувччус-са кӱанттурду. Ялун ливчунни шикку ветеринариялул законо-дательстволул тӱалавшиннарду кьядурурччуну душиву. Гьа-ттара бувччусса кӱанттурдай ча-пар дирхьуну дакьра, мичча ин-сантал ва ризкьы занай бур. Да-кьар лархьун ва ци кӱану бусса-рив бусласисса ула. Сибирская язвалул споры бусса аьршарая чӱярусса шиннардий инфекция ппив хьунсса нигыачӱаву души-ву хӱисаврайн ласурча, мукун-са азарданул ливтӱусса ризкьы бувччусса кӱанттурдайх заназав-рия азар ппив хьунсса нигыачӱаву хьиннура хьунссар. Мунияту, мугьлат бакьа чаран льякьуну, ми кӱанттурду, чапар дирхьуну, вив ласун аьркинссар.

Кӱицӱ лавгссса масьалалул хӱакьйравусса ветеринариялул тӱалавшиннарду кьядурурччу-ну тӱий, Кьызлярдаль районда-лийсса Александрия ва Огу-зер шьяраваллал бакӱчитурал хӱакьйраву административ тӱул-дакьашивуртту дуршиврул про-токоллу сакин бунни ва ми ишру букьан бан тапшур бунни. Ххал-бигьавурттал хӱасиллая баян бунни тӱабиаьт дуруччаврил прокуратуралийн.

**Тӱалавшиннарду
кьядурурччушиву
кӱул хьунни**

Паччахӱлугьрал аьршарал, Пестицидирттая ва агрохи-микатирттая мюхчанну бивкӱаврил ялув бацӱаву дайсса Дагьус-ттаннал Россельхознадзорда-нул управлениелул отделданул кьуллугьчитурал, кӱанттурдайн лавгун, ххал дунни Кьумтуркьа-лаллал райондалий Учкент шья-раваллил дазуя арх дакьасса П. Хӱажиевал биалдарайсса аьрши. Кӱул хьунни шьяраваллил хозьяй-стволул давурттан ккаккан дурс-са аьрши му мурадрай ишла дул-лай бакьашиву.

Ххалбигьавурттал хӱасиллайн бивну, П. Хӱажиевал хӱакьйраву административ тӱулдакьашиву дуршиврий протокол сакин бунни.

**Хӱадур бувссар
Адриана АЬДУЛЛАЕВАЛ**

**Ларгсса шинал
хӱасиллу**

Ахӱмад-Хан Султаннул ацӱанийсса Махӱачкӱа-лаллал аэропортрай 2023 шинал кьамул увну ур 2 млн 800 468 пас-сажир. 2022 шинашал цачӱу бив-хьуну, 11,6 % ххишаласса пас-сажиртал кьамул бивну бур. Ва бакьассагу, ларгсса шинал кьа-мул дурну дур ва тӱайла дурккун дур 451 тонна кьайлул ва почта-лул, вайгу 2022 шинаяр 1% ххи-шаласса хьуну дур.

2023 шинал яла гьарзану пассажиртал ххилай диркӱсса авиакомпаниярттан ккаллину дур «Победа», «Аэрофлот» ва «Уральские авиалинии»

Махӱачкӱалаллал аэро-портрая яла тӱалавми рейс-ру трай Москвалийн, Санкт-Петербурграйн ва Сургутлив. Дунияллул кьатӱувсса билая-тирттайнсса рейсирдава яла тӱалавми дур Стамбуллайн (Тур-



кнаву), Дубайлив (ОАЭ) ва Ба-куйн (Азирбижаннавун).

Хӱакьйнусса кьини Махӱач-кӱалаллал аэропортрай тӱитӱ-лайнма бур цӱу-цусса рейсру. Мунийн бивну, хьуннасса бигьа-шиву хьанай дур личи-личисса региональная жула республикалийн букӱлакисса инсантуран, хасну-ра туристьтуран.

Цӱанасса ппурттуву Ма-хӱачкӱалаллал аэропорт ккалли-ну бур СКФО-рай яла чӱявусса

пассажиртал кьамул буллалисса аэропортран.

**Аэропортран
бивсса зарал
20 млн арцун
бавцӱуну бур**

Шиккува кӱицӱ лаган, 2023 шинал октябрь зурул 29-

нийн Махӱачкӱалаллал аэро-портрай гьалаксса ишру хьу-ну, авиапредприятелун би-ялсса зарал бивну буссия. Тай ишру сававну, цаппара гъан-трай дацӱан дурну дуссия аэро-портрал даву. Аэропортрал гендиректор Саэд Рамазанов-лул бусаврийн бивну, аэропорт-рал инфраструктура дакьин ва цӱу дуккан дуллалисса да-вурттан харж хьуну бур 20 млн кьуруширттал. Ванал мукунма кӱицӱ лавгунни, аэропортрай низам зия дуллай бивкӱминная, вайннал тахсирданун силистга-лул чулухасса кьимат кьабив-шуссаксса, компенсациярт-ту тӱалав бан бюхьлай бакьа-шиву.

АьФ-лул Паччахӱлугьрал депутат Хизри Абакаровлул хьхьичӱава баян бивну буссия, аэропортрай низам лиян дурс-са ишру сававну 285 млн кьу-руширттансса зарал хьуну бивкӱшиву.

**Хӱадур бувссар
Имара САИДОВАЛ**

Лакрал халкъуннал учаларттава

Дустал аьтИи, душманнал хьяхьи айссар.

Дустал чIявума, авлахъ куна, гьартассар, дустал бакъу, битIянкъ куна, къу-массар.

ДусначIасса щингу на-цIури.

Дусначал бувкусса инигу бакъухъри.

Дустал бакъун дуниял къа-ридсар.

Дусшиврул гъану вихша-лар.

Дус акъарив – ляхъи, ляхъ-хьурчан – яува.

Дустураву дакъаву дакъа-хьурчан, гайннал даву дузрайн къадуккайссар.

Дустал дуснахъхун – ка, душманнал душманнахъхун турлил тияр булайсса.

Дусначалсса буруккин бачIи яла лагайссар, ххар-шивугу кIилину хъун шай-ссар.

Дустал ляхълахъу, душ-мантал цайнува цивпна ляхъинтIиссар.

Дусшиву цIакъсса духъур-чан, Ватангу цIакъссар.

Дусшиву – дусшивури, къуллугъ – къуллугъри.

Дусшиврувури тIай-лашивугу дусса.

Душман канийн увкIукун, чувнал куна хIалал ити.

ДюблIисса душманная ма-нигъаусарача, авлиясса дус-ная нигъаусу.

Даки тIайласса дус абад-лийсса дусри.

Дунгъузру кIяламургу, лухIимургу цава цар.



«Илчи» – маслихатчи Гьарца къатлуву дикIан аьркинсса ххяххия

ИчIурасса ххяххиярттал (комнатные растения), жулва къатри, диц-куц ххуй дурну, авур бавришал, гъава марци бувангу, му марцишиву хъунмасса хIаллай диян дувангу кумаг бувайссар. Гъава чапал буванмурдив цIанасса чIумал шаттирал бакIрах чан дакъар, компьютердая, телефонная къатIий, гьарца къушлий дикIайсса мебель, ПВХ-рая бувсса чIавахъулттив ва магъи, линолеум, рубероид, пенопласт тIий, ччимур стройматериал ва чIярусса цамургу. Гъаваллавун загърусса затру итакъадакълакьимур тIурчарив, тти-заманнай чансса дур. Гъава марци буван кумаг бавришал, къатлу-вусса ххяххиярттал инсаннал даки рахIат дуккан давривугу къа-чIивисса кIану бугълагьиссар, вайннул шюллисса рангирал жулва яру паракъат бувайссар, бигъалаган бувайссар.



Хлорофитум

Хлорофитум

Ва ххяххиялул гъава бак-териярдаца ва вирусирдаца марци бувайссар, мукунна, аце-тондалул тIий, цамунил тIий, зар-алсса примесирдаца. Ва ххях-хия гьарца къатлуву дирхъуну хъинссар. Гъава марци бавришал ванил ца хъинсса хасият цамур-гу дуссар: цал цилва чIапIаву хъатру цачIун дурну, яла гъа-валлавун итадакъайсса. Ванийн бувну, кIинттул пачру, отопле-ние лархъний хъиннува къав-къун бикIайсса гъава ва ххяххи-ялул ххуйну хъатан бувайссар. Хлорофитум цурдагу ххяххан дуллан къзахIматссар. Ванин ххирассар чIярусса шин, яргсса бургъил чани. Амма къаххирас-сар цихра дурургсса бургъил тIайланнасса къяртри.

Хамедорея

Гъава заралсса, загърусса затирттаца марци бавриву ва



Хамедорея

ххяххиялулгу бугълагьиссар лайкъсса кIану. Ванийн ялагу учайссар бамбуковая пальма куну. Ванил гъава, марци бав-ришал, хъатрулул буччингу бу-вайссар. Ва ххяххиялул ххира-ссар ярг бакъасса чани, дюхлу, амма цакуну ца температура-лия цамунивун дагъаву ванин заралссар, мунияту чIавахъулу, нузру тIиртIуний нанисса дюх-лу шаврия ва мюхчанну дикIан аьркинссар.

Фигус

Ванил марци бувайссар гъа-ва къатIату къатлувун буххай-сса, мукунна мебельданува ягу ичIурассаличи-личисса матери-аллава буккайсса фенолдануца ва бензолдануца.

Фигусран ххирассар яргсса, амма бяххан бувсса чани. Ххи-рассар хъавтсса гъава, муния-ту кIинттул чIумал ванил ял-тту шин пурх дурну хъинссар. Щингу нюжмардий кIил-шамил дутIин аьркинссар.

Бегония

Ва тIутIайху дичайсса, ккак-кангу ххуйсса ххяххиялул литIун бувайссар гъаваллавусса виру-ру ва бактериярду. Ванилату гъаваллавун нанисса фитонци-дырттал литIун дувайссар личи-личисса азарду сукку дувайсса заралсса микроорганизмарду. Ва хъиннура хъинссар пIапIус учайсса къатлуву.

Бегония мюршисса оьрчIал ка дийиния ва ичIаллил жанавартрая архну хъинссар, цанчирча ванил чIапIивгу, вайннува дуккайсса сокгу загъруссар. Ванин ххира-ссар яргсса, бяххан бувсса чани, хъиннура я къаркъ, я атил дакъ-асса аьрщи. Ванийн шин дутIин аьркинссар горшокравусса аьрщи къаркъун хIисав шайхту.

Гихунмайгу буссар...

**ХIадур бувссар
Бадрижамал АБЛИЕВАЛ**



Газета «Илчи» (Вестник)

Учредитель:
Агентство информации и печати
Республики Дагестан

Хъунама редактор:
Къардашов Р. Аь.
Тел.. 65-00-07

Хъунама редакторнал хъиривма:
Башаев Р.М.
Тел. 65-03-12

Редколлегия:
Адамов АбдурахIман
МахIаммадович
Абдуллаев Сапарбаг Аьлиевич
Аьлиев ХIажу Сулайманович
Исрапилов Артур Анварович
КъурбанмахIаммадов Чанкура Рама-занович
Маммаев Сулайман
НурагIинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Абдуллаева А. П.
Аьдилов ХI. А.
Рамазанова П. ХI.
Тахаькаева З. К.

Корреспондентьтал:
АбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву кIици лавгмур тIайлашиврул жаваб дулайссар чивчуманал.
Редакция макъалалул залуннал пикри-лий рязину бакъахъурчагу, макъала рищайссар, жяматрал цаламур пикри бусансар тIисса ниятрай. Кказитрайн дуркIсса макъаларттайн рецензия къа-чичайссар ва ми залуннахъхун зана къадаьйссар.

Кказит буккайссар нюжмардий цал.
Шиний итабакъайсар 52 номер.

Кказитрал индекс. П7046
Тираж – 2002 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@ Rambler.ru
http://ilchi.info
Тел./факс. 65-00-07


Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.


Цена свободная



МАХIАЧКЪАЛА



Гъавалул тагъар



gismeteo.ru